



МӘДЕНИ МҰРА

«МӘДЕНИ МҰРА»
МЕМЛЕКЕТТИК
БАҒДАРЛАМАСЫНЫҢ
КИТАП СЕРИЯЛАРЫ
ҚАЗАҚСТАН РЕСПУБЛИКАСЫНЫҢ
ТҮҢГҮШ ПРЕЗИДЕНТІ
НҰРСҰЛТАН НАЗАРБАЕВТЫҢ
БАСТАМАСЫ БОЙЫНША
ШЫҒАРЫЛДЫ

**«Мәдени мұра» мемлекеттік бағдарламасының
кітап сериялары**

Карл
БАЙПАҚОВ

*«Мәдени мұра» мемлекеттік бағдарламасын іске асыру
жөніндегі қоғамдық кеңестің құрамы:*

Әшімбаев Мәулен – кеңес төрагасы
Аскаров Әлібек – жауапты хатшы

Қоғамдық кеңестің мүшелері:

Абдрахманов Сауытбек
Аяған Бұркіт
Әбусейітова Меруерт
Әжіғали Серік
Әлімбай Нұрсан
Әуезов Мұрат
Байпақов Карл
Биекенов Кенес
Бұрханов Кемал
Досжан Ардақ
Ертісбаев Ермұхамбет
Есім Ғарифолла
Қасқабасов Сейіт
Қошанов Аманжол
Нысанбаев Әбдімәлік
Салғара Қойшығара
Самашев Зейнолла
Сариева Ырысты
Сейдімбек Ақселеу
Сұлтанов Қуаныш
Тұяқбаев Канат
Тұймебаев Жансейіт
Хұсайынов Көбей
Шаймерденов Ербол

*Ежелгі және
ортадағы гасырлардағы*
Отырар



ББК 63.4
Б 33

*Қазақстан Республикасы
Мәдениет және ақпарат министрлігінің
баддарламасы бойынша шығарылды*

Байпақов К.М.

Б 33 Ежелгі және орта ғасырлардағы Отыrap. – 248 бет. –
Алматы: «Қазығұрт» баспасы, 2007.

ISBN 9965-22-224-X

«Мәдени мұра» мемлекеттік бағдарламасы бойынша шығарылып отырған бұл кітапта ежелгі Отыrap және басқа Отыrap алқабының қалалары сөз болады. Осы арадағы көп жылдық жұмыс барысында Отыrap, Құйрықтөбе, Қек-Мардан, Қүйік-Мардан қала орындарынан керамикадан, шыны, металл, сүйек, ағаштан жасалған бүйімдар көптеп табылды. Аршылған сарайлар, мешіттер, көше орамдары, жұздеген бөлмежайлар, монша, шеберханалар орта ғасырлардағы қала жобасының архитектуралық ерекшеліктерін білуге, оның қолөнері, саудасы, қазақстандық көшпенділер мәдениеті мен қалалық өркениетінің, сондай-ақ көрші елдермен арасындағы байланысты, Қазақ хандығы тарихындағы қалалардың рөлін анықтауга көмектеседі.

Көпшілік оқырманға арналған.

ББК 63.4

Б 0504000000
482 (05)-07

ISBN 9965-22-224-X

© Байпақов К.М., 2007
© «Қазығұрт» баспасы, 2007

АЛҒЫ СӨЗ

Әр жылы ерте көктемде қазақ жерінің сырын ашуға Алматыдан археологтар легі жаңа экспедицияларға аттанады. Олардың жолы Іле және Жонғар Алатауымен, Іле бойы алқабымен, Орталық Қазақстанның қатал табиғатты даласын, Алтай таулары, Балқаш бойының құмы, Үстірт белдеулерін және Сырдарияның жағалауын қамтиды. Көне Сауран қамалының маңында, кен алқапты алып жатқан Бөріжар обалар аймағында, Карагаудың алып жартастарында салынған көне суреттерінің жерінде археологтардың жазғы шатырлардан тұратын ауылын көруге болады. Олар әр кезде жаңа құпияларды ашуға үміт ететін, жаңа таным-білім қуанышына кенелетін ауылдың адамдары. Осы зерттеулердің арқасында көне тарихымыздың шындығы мен жаңа беттері ашылады да, «Археологиялық картаның» белгісіз жерлері біртіндеп азая түседі.

Қазақстан археологтарының жетістіктері Есік қорғанынан табылған сақ жауынгері, Алтайдың Берел, Шығыс Қазақстан жеріндегі Шілікті, көне қалалар Отыrap, Тараз, Сығанақ, Сарайшық, Йасы, Қойлық қазбалары, Мерке тубіндегі Түркі ғибадатханалары және т.б. көптеген қазбалар арқылы әлемдік археологияға жаңалық енгізіп отыр.

Орталық Азия мен Қазақстанның саяси- экономикалық және мәдени тарихына үлкен үлес қосқан егін шаруашылығы дамыған аймақтың тарихы ерекше бөлінетін аймақ бар. Бұл аймақ Арыс өзенінің Сырдарияға құяр сағасын қамтитын, ғылымда «Отыrap алқабы» деген атымен белгілі Фараб және Отыrap көне атауымен аталатын аймақ. Орталығы – ғасырлардан озып келе жатқан Отыrap қаласы.

Отыrap алқабының географиялық орналасуы Оңтүстік Қазақстан облысының Отыrap ауданының жеріне тұра келеді. Батысында Қызылқұммен аяқталып, ортаазиялық ұлы өзендер Сыр-

дария мен Әмударияның¹ кең аумағын қамтиды. Отырар алқабына кіретін Сырдарияның он жағалауы белдеулер болып келетін, табиғаты жұтан Қаратай беткейлері қойнауында Бөгөн, Боралдай, Шаян, Арыстанды сияқты асау өзендер ағатын жерде жатады.

Отырар алқабының жерінде жантак, жусан, сораң тәрізді өсімдіктер әлемі басым болса, Арыс өзенінің бойында дүние жүзінде кездесе бермейтін дәрілік шөп дермене², Сырдария сайында сазды жердің өсімдіктері, өзенге жақын тоғайлыш жер болып, торанғы, қамыс өседі (бұл өнірде кезінде жолбарыштар жортқан). Бұл жерлерде қоян, бұғы, тұлкі, қасқыр кездеседі. Құстардың түрлері сан алуан. Қырғауыл, үйректің әр түрлері, қаз, тырна, көкқұтан, кептерлер болса, өзендерінде сазан, жайын және т.б. балықтар жүзіп жүрген.

Сырдария Отырар алқабының өркендеуінің негізі болды. Ол XV – XVI ғасырдың белгілі тарихшысы Рузбиханның кітабында жоғары бағаланады. Ол Сырдарияның жағалауы шүйгінді шырайлы өсімдігі арқылы құстар мен жабайы жануарлардың көбеюіне ынғайлылығы жағынан дүниеде мұндай пайдалылығы өржакты өзен жок деп жазды. Ғалымның жазуында Дарияның жағасында ағаштары аспанмен таласқан деп айтады³. Ол түркістандық қалаларды аралап өткен.

Сырдария өзені асыраушы ғана болмай, қауіпті де болды. Ауа райының күрт өзгеруіне байланысты құбылып отырады. Қыстың күні сүйкіткі – 27⁰ -қа жетіп, желтоқсанның басынан наурызға дейін мұз құрсауында қалса, көктемде Сырдария мен Арыс та аңғарынан асып, бірталай жерді су алды.

Ортағасырлық автор Әли ибн әл-Хусеин әл-Масуди⁴ 947 – 950 жылдары Отырар алқабындағы су тасқынын айта кетіп, «су тасқыны 30 фарсах⁵ келетін кең аумақты алды», «биіктікте орналасқан ауыл-аймақ қайықтармен қатынас жасады» деп жазады⁶. Қазірдің өзінде Отырар орны ғасырлардан өзен суымен алысып,

қоршаулар салып отырғанын көрсетеді. Су мен күннің молшылығы, құнарлы топырақ бидай, мақта, жеміс, жүзімдік өсіру арқылы халықтың әл-ауқатының жақсаруына қолайлы еді.

Оңтүстік Қазақстанда Отырар алқабы қорғаныс жағынан қолайлы болды. Отырар арқылы керуендер легі толастамаған, сондықтан ортағасырлық араб-парсы тілді авторлар бәрі дерлік жазған. Оны біз Сырдария бойы қалалары мен Жетісу қалаларының тізімінен көреміз. Көне авторларды оқи отырып, «бірнеше Отырар» туралы білеміз. Бір деректерде құнарлы жерге орналасқан Арыс өзенінің Сырдарияға құяр жерін білсек, екіншіде Қаратай бектеріне орналасқан көшпендердің қамалы делінеді, үшіншіден Отырардан Арыс, Бөгөн бойлап Таразға, Баласағұнға және онан әрі Шығыс Түркістанға жолдар кеткенін оқимыз. Бірақ Отырар біреу ғана. Көп сияқты көрінетін себебі – оның жолдардың қызылысина орналасып, одан шыққан жол Сырдариядан тарап оңтүстікке – Шаш, Соғды және әрі қарай Мерв, Нишапур, Рей, солтүстік пен батысқа қарай – Хорезм арқылы Арал бойына, Еділ, Қара теңізге және Кавказға кетеді. Орта Азияда Отырардың ынғайлы және де қауіпті жерде екенін археолог және шығыстанушы А.Н.Бернштамның дөп басып жазуы таң қалдырады.

Шынында да, бұл өнір пайдалы әрі қыын болатын. Қаланың мындаған жылдар басынан өткерген табиғат апаты мен жаугершілік соғыстардан бір кездерде гүлденген қаланың орнында шөп басқан қирандылары қалған. Қазіргі көрінісінде қала мен қамалдардың, қарауылтөбелердің мылқау көрінісіне адам баласы таң қалады. Жұз жылдан су көрмеген, кебір тартқан орталық қалалар орны жатыр. Міне, осы ашық аспан астындағы мұражай бізге ата-бабалар тарихынан, олардың өмірінен ақпарат береді.

Отырар алқабында Арыс өзенінің сол жағалауын қамтитын ірі қала орнының бірі – Көк-Мардан, ал Сырдарияның сол жағалауында Қауған-ата және Бұзық, сауда мен көсіпкерлердің орталығы Мейрамтөбе, Құмиян қамалының орындарында қазба жұмыстары жүргізілген. Бұлар Отырардың құрдастары. Солтүстік-шығысындағы қалалар: Бұзықтөбе (Ақтөбе), Кішітөбе, тағы бір Ақтөбе жатыр. Көне төбелердің әрқайсысының өзіне сай аттары бар: Алтынтөбе, Жалпақтөбе, Құйрықтөбе, Мардан, Пышакшы т.б. Бұрынғы кезде басқалай аталса да, жергілікті аныздарға сай Отырардың орналасқан төбелердің, оның қамтамасыз

¹ Сырдарияның көне атауы – Яксарт, Әмударияның атауы – Окс.

² Сантонин алынатын жусанның емдік қасиеті бар түрі.

³ Фазлаллах ибн Рузбихан Исфахани. Михман-наме-ийи Бухара: (Записки бухарского гостя. Аударма, алғы сөз, ескертүлөр Р.П.Джалилованікі. 1976. С.73 – 74.

⁴ Әли ибн әл-Хусеин әл-Масуди – араб оқымыстысы, географ (956 ж. туған).

⁵ Фарсах – Шығыстағы ұзындық өлшемі, 6 – 8 шакырымға тең келеді.

⁶ Үзінді: Бартольд В.В. Сочинения. М., 1966. С.3. С.224. /

ететін маңыздылығына қарай: Алтынтөбе – зергерлер қалашығы, Пышақшытөбе – қару-жарақ жасайтын, Құйрықтөбе – қасапшылар қаласы деген ойға жетелейді. X – XII ғасырлардың өзінде ақ бұл қалашықтардың жойылғандығын дәлелдейтін айғақ – олардың көне аттарының жойылуынан мәлім. Алқаптың ірі астана қаласы Отырар ғана өзінің тарихи атымен сақталған.

Ортағасырлық қалалар ішінде оның ерекше орын алатыны түсінікті жайт. Тараз, Испиджаб, Құлан қалалары Ұлы Жібек жолының бойында, керуен жолдары арқылы дамыды. Ал Отырар дала-да орналасқан, көшпенділердің өз қаласы еді. Сұрапыл соғыста өткір қылыштар айқасып, садақ оғы ысқырынып, қаланың түтінге оранған шағында олар жауға бірлесе отырып соққы берді. Малшы малын тастап, темірші отын өшіре салып, шақырылмаған жауға қарсы күресті. Отырар қамалына ғасырлар бойында қаньлайлардың ұзын семсерлері мен түріктердің қайқы қылышы талай тиді. Отырар Шығыстың ұлы ойшылы Әбу Нәсір әл-Фарабидің туған қаласы.

Көп ғасырлар өткен кезде Отырар туралы біз не білеміз? Дереккөздері ол туралы не дейді?

Бәрінен бұрын көне авторлардың тарихшылардың, географтардың, саяхатшылардың, елшілердің, көпестердің, Отырардың гүлденуі және құлдырау дәуірі замандастарының мәліметтерін білеміз. Араб, парсы тілдерінде жазылған еңбектерде VIII – XII ғасырлар туралы айтылып, гүлдену дәуірі IX – XII ғасырларға келеді. Бізге жеткен сол дәуірдің белгілі біраз ғалымдарының атын атасақ болады.

Бағдат халифтарына қызмет еткен байланыс бастығының қызметін атқарған Ибн Хордадбек¹ болды. Өзі басқаратын мекеменің жұмысын женілдешу үшін дүниеде алғаш пошта жолының анықтамасын жасады, халифаттың жекелеген бөліктеріндегі сауда жолын, ірлі-кішілі қалалардың аттарын, аудан мен аймақтардың арақатынасын толық беріп, кітабын «Мемлекеттер мен жолдар кітабы» деп атады. Өз кезеңіне сай толық жасалған анықтаманы одан кейінгі географтар пайдаланып отырды. Мұсылман әлемінің солтүстік шекарасы болып табылатын Сырдария қалаларын, соның ішінде Отырар туралы да бұл еңбекте керекті мағлұматтар бар еді.

¹ Оның толық аты Убейдаллах ибн Абдаллах ибн Хордадбек (820 ж.туған).

Тағы бір Иерусалимнен шыққан географ, өз заманының білгірі, араб географы – Мұхаммед Ибн Ахмед әл-Макдисидің¹ алар орны ерекше. Ол көптеген мұсылман елдерін аралап, көзімен көргендерін анықтап жазды. «Алтын аймақ және таңқалдырар жерлер» (985 – 989 жж) деген еңбегінде ауа райы, сауда, ақша, өлшемдер, таразы басы және өдег-ғұрып, салық төлеу туралы әр елдерді даралай жазып, Шығыс мәдениетінің тарихы туралы өшпес мұра қалдырды. Бұл еңбектің құндылығы сонда, автор замандастарының еңбектеріне сын көзben қарап жазды².

Отырар туралы 982 ж. парсы тілінде жазылған белгісіз автордың «Худуд әл-Аlam» трактатында, сондай-ақ әл-Истахри, ибн Хаукал, Қашқарлық Махмуд, әл-Самани, Якут әл-Хамави, ибн әл-Асир, Жувейни еңбектерінен де кездестіреміз. Көптеген ғылыми еңбек қалдырған, бізге дейін жиырма шақтысы сақталған ортаазиялық ошақты ғалым әл-Бируни³ еңбектерінде де Отырар туралы айттылады.

Кейінгі орта ғасырлар оқиғаларын түрік, парсы тілдерінде жазған Масуд ибн Осман Кухистани, Мұхаммед Салық, Бенаи, Рузбихан және басқа да өз заманының қоғам қайраткерлері мен тарихшылар еңбектерінен білеміз. Эрине, Отырар туралы жазба деректерде жалпылама әрі үзінді түрінде жазылған деректер қала тарихын толық ашып бере алмайды. Кейінгі орта ғасыр авторлары билеушілердің шыққан тегі мен соғыс шерулерінен басқа, Отырардың экономикалық тарихы, Қазақстанның басқа қалалары туралы толық мәлімет бере алмайды. Сондықтан Отырардың өмір тарихын жазуға сенімді дерек көзі – археология.

Отырардың көне орнының ірілігі көптен өзіне назар аударуда. Алтын тенгелер мен бағалы заттар, патшалардың қазынасы туралы алыпқашпа әңгімелер шындықтан алыс емес: кей кезде күміс білезіктердің сынығы, лағыл тастан жасалған моншактар табылатын. Қалалардың бұзылған жерінен кейбіреулер көне байлық қазынасын іздейтін, сонда көбіне кетпен басы алтын заттарға емес, саз ыдыстардың сынығы мен тат басқан темірлерге

¹ Немесе әл-Мукаддаси (947 – 1000 жж.).

² Қараныз: Бартольд В.В. Сочинения. М., 1963. Т.1. С.57.

³ Оның толық аты – Әбу-Райхан Мұхаммед ибн Ахмет әл-Бируни (X – XI ғ. ортасы) Оның еңбектерінің тізімінде ол қайтыс болмастан он жыл бұрын 105 атау болған).

тиетін. Жануар сүйектері мен адамның бассүйектерінің шығуы жүргтты шошытатын.

Отырадағы алғашқы археологиялық қазба жұмыстары – Түркістан археологиялық өуесқойлар үйірмесінің мүшелері А.К.Кларе мен А.А.Черкасов басшылық еткен 1905 жылғы экспедиция жұмысы еді¹. Археологиялық қазба тәсілін толық менгермеген олар ыдыстардың шыны сынықтары, жануар сүйектері мен ондаған мыс тенгелерден басқа не табар еді? Қазба осымен біткен еді. Жарты ғасырдан соң, 50-жылдары ленинградтық профессор А.Н.Бернштам бастаған Қазақ КСР Ғылым академиясының Оңтүстік Қазақстан археологиялық экспедициясы, содан кейін Е.И.Агеева мен Т.Н.Пацевич жүргізген барлау жұмыстары кезінде бірқатар ескерткіштердің топографиялық планы түсіріліп, қазбалар жүргізіліп, көптеген заттар жиналды. Бұл зерттеулер Оңтүстік Қазақстан қалалары туралы 1958 ж. жазылған енбектердің негізін құрады, онда Отырад туралы жеке бөлім арналды.

1969 ж. бұл жерде кең көлемдегі қазба жұмыстары К.А.Ақышев бастаған, құрамында жеке отряд бастықтары К.М.Байпақов, Л.Б.Ерзакович, М.С.Мершиев, С.Ж.Жолдасбаев, Б.Н.Нұрмұханбетов, В.А.Грошев, С.М.Ақынжанов, Т.В.Савельева, Е.А.Смағұлов, Н.О.Алдабергенов, Ю.А.Мотовтар бар Отырадар археологиялық экспедициясының күшімен алғашқы екі жылында Отырадар көрінісінің бедері толық топографиялық жобаға түсірілді. Онда археологиялық мақсат үшін ұшақ пайдаланылып, құс ұшар биіктікten және екі шақырым жоғарыдан көне қаланың көрінісі анықталды. Соған байланысты жерден байқала бермейтін қала сұлбасын анықтауға қол жетті. Қазба жұмыстарының қатар жүруіне байланысты, қаланың өмір сүру кезендерін дәлелдеуге мүмкіндік туды.

Отырадар археологиялық экспедициясы 1971 жылдан Оңтүстік Қазақстан кешенді экспедициясы деп аталып, қазіргі таңға дейін жоспарлы түрде кең аланда қазба жұмысын жүргізіп келеді. Алқаптың қалалары, оның аймағындағы ескерткіштердің барлығына дерлік зерттеу жүргізілуде (тас дәуірі, қола кезеңі, ерте темір және ортағасырлық өртекті тарихи дәуірлерді қамтитын ескерткіштер бар). Тек қоныстар мен қалалар емес, көне обалар, кен

орындары, тастағы жазулар, қазакы қыстаулар мен көне су жүйелерінің сілемдері зерттелді.

Өткен жылдар ішінде Отырадар мен оның алқабын зерттеушілердің жаңа тобы қалыптасты, олар – М.Қожа, Д.А.Воякин, С.Ш.Ақылбек, С.З.Ахмет, Д.В.Сорокин, М.А.Антонов.

Әсіресе Қазақстан тәуелсіздік алғаннан бергі жылдары (1991 – 2008 жж.) зерттеу мен қазу көлемінің үлғайғанын атап айтқан жөн. Бұл Қазақстан Республикасының Президенті Н.Ә.Назарбаевтың 2003 ж. қабылдаған «Мәдени мұра» бағдарламасына тікелей байланысты. Бағдарлама аясында «Ежелгі Отырады қайта өркендету» атты тағы бір бағдарлама қабылданып, ол археологиялық және сактау жұмыстарымен қатар, Отырады және алқаптағы басқа да ескерткіштерді ашық аспан астындағы Мұражайға – ішкі және халықаралық туризм орталығына айналдыруды мақсат етіп отыр.

Бүгінгі танда Отырадар алқабының зерттелуі археологтардың негізгі мақсатын қанағаттандырып отыр. Отырадар қаласының ғрантология бойынша IV – VI ғғ. бастап XVII – XVIII ғғ. аралығында өмір сүріп, ғасырлар бойы көтерілу, құлдырау дәуірлерін базынан кешкені мәлім. Қаланың IX – XIII ғғ., XIV – XV, XVI – XVII ғғ. үй орындарының архитектурасы, діни ғимараттар, жеке әртүрлі шеберханалардың жалпы жобалары зерттелді. Түрғындардың мәдениеті мен өмірінен қаншама мәлімет бар. Отырадағы қазба материалдары этнограф, лингвист, нумизмат, топырактану, су жүйесін зерттеушілер жұмысына құнды да бай заттарды тарту етті.

Ортағасырлық қалалық мәдениетінің ірі аймақтарының бірі Отырадар алқабы туралы жазба деректер, археологиялық мұралардың көптігі осы кітапты жазуға негіз болды.

¹ Үйірме 1895 жылы Ташкентте ұйымдастырылған.

I. ОТЫРАР АЛҚАБЫНЫҢ ТАРИХЫ

ХАЛЫҚ ЖАДЫ – КЕН ҚОЙМАСЫ. ҚАНЛЫЛАР

Шығыстың жауһар ойларының тарихы Авеста¹ Отыrap алқабы туралы көне жәдігер – онда қанлы атаулы ел мен көне қала туралы айтылады (Авестада – Кангхе). Қазіргі Отыrap атауына дейінгі тарихи кезеңнің жалғасы осы қанлыдан бастау алады. Ирандықтардың көне батырларының бірі – жаужурук батыр Туса «Хашатросук қақпасынан басталатын киелі қанлы жеріндегі» Вайсак ұлдарын жену үшін Құдай-ананың көмегін тілейді. Бұл жырда біздің жыл санауымызға дейінгі II – I ғасырларда болған түрлар мен ирандықтар арасындағы қақтығыстарды мензейді². Тұрандық билеушілердің орталығы Канга болып саналады³.

Біздің жыл санауымызға дейінгі 138 ж. Тандық Қытайдан батыска қарайғы беймөлім елдер туралы білу үшін император У Диң елшілік керуені аттанады. Князь Чжан Цянь басқарған керуен 13 жылдан кейін қайта оралып, жолжазбасын ұсынады. Осы жазбадан Қытайға жаңа жерлердегі қала өркениеті мен көшпендейлер мемлекеті туралы мәлім болды. Чжан Цянь өз көзімен көрген билеушілердің астанасында болғанын айтады. Қанлылар мемлекетінен мәлімет береді. Ол мемлекет Ыстықкөл

жағасында, үйсіндердің гуньмосы⁴ билейтін жерден солтүстік-батысқа қарай 2 мың ли⁵ қашықтықта орналасқанын жеткізеді.

Ғылымда Жетісу жері үйсіндерге қарағаны дәлелденген, сонда Қанлы мемлекеті Сырдарияның орта ағысын қамтыды дейміз.

Авестада Канга қаласы, Қанлы мемлекетінің Чжан Цянь жазбасында айтылуымен тұстас келеді, әрі орналасу бағыттарының Сырдария өніріне тұра келуіне қарап, Канга қаласын тұрандық көсемдердің астанасы деп санауга болады. Ал оның Сырдарияның орта ағысында екені тек Қытай деректерінде ғана емес, ұлы Фирдоусидің атақты «Шахнама» туындысында да айтылады. Өлең түрінде жазылған бұл эпоста тарихи оқиғалар тізбегінде Шығыс Иран мен Орта Азияда өткен соғыстар туралы жырланады. Сиявуш туралы жырында Фирдоуси Канганы Афрасиаб⁶ патшаның астанасы деп, Шаш пен Испиджабтан⁴ ары, Гульзарион⁵ өзенінің арғы бетінде орналасқан деп, Сиявушпен келісімге келген сон Афрасиаб Кангаға қайтады:

Бұхар мен Соғды, Самарқан мен Шашты,
Испиджаб пен піл сүйек такты елді
Азат еткен ол әскерімен Қанлыға қайтты.

Фирдоуси жырынан Канга Испиджабтан солтүстікте⁶, Сырдарияның орта ағысына тұра келетінін байқаймыз.

Географиялық атауларды терең зерттей түссе, елді мекендер, таулар, өзендер қазіргі атауларына сәйкес келеді. География зерттеушілері «Шахнама» жырындағы атаулар белгілі бір жердің атына сай келмесе, ол жырды көшіріп жазушылар қатесі мен терендете зерттелмеудің өсері деп есептейді.

Қытай деректеріне қарағанда, Қанлы үлкен мемлекет болған. Оның билігі Каспийдің солтүстік жағалауына дейін қамтыған. Онда көшпендейлер қоныстанған. Мемлекеттің балшықтан соғылған қамалмен қоршалған қалалары да болған. Мемлекеттің

¹ Авеста – көне ирандық діни ескерткіш, зороастризм киелі кітабы. Б.з.д. II – I ғ.ғ.

² Тұр (тұрандықтар) деп Тұранның тұрғындарын, Иранның солтүстігінде орналасқан көшпендейлер елін атаған. Авесталық ирандықтар мен тұрандықтардың (сақтардың) арасындағы шекара Сырдария болды.

³ Қараңыз: Кляшторный С.Г. Древнетюркские рунические памятники. М., 1964. С.167 – 170.

⁴ Гуньмо – үйсін билеушісінің атағы.

⁵ 800 – 900 км.

³ Афрасиаб – тұрлардың аты анызға айналған патшасы. Оның атымен ежелгі Самарқан (Марақан) қаласы аталған.

⁴ Шаш пен Испиджаб – ортағасырлық ірі аймақтар мен қалалардың атауы.

⁵ Сырдарияның ежелгі атауы.

⁶ Қазіргі Шымкент ауданы.

астана қаласын іздеуде бізге Білге қаған мен Құлтегінге¹ арналып жазылған руникалық жазбалар жәрдемге келеді. Түркі қағанатының алғашқы VIII ғ. соғыстардағы женісінің нәтижесінде батыс шекарасындағы жердің Кангу Тарбан аталғанын осы тарихи ескерткіштерден білеміз. Ол Сырдарияның орта ағысында орналасқан саяси жеке аумақтық құрылым болған.

Арабтілді деректерде Тарбан Шаш мемлекетінің астанасы деп жазылады. Тарихшы әл-Белазури Самарқанды 712 жылы арабтардың жаулауын айта келіп: «Самарқанды Құтып (Кутейба) қоршап алып, бірнеше рет текетірес қақтығыстар болды. Соғды патшасы Тарбандта тұратын Шаш патшасына хат жазды» деп жазды². Үзіндіде Тарбан Тарбанд деп жазылады. Кейір араб дереккөздерінде осы қала Тұрарбанд деп жазылады. Бұл зерттеушілер Тарбан деп отырған Шаш астанасы Отырар деп аталған қала ма деген ойға жетелейді. Мысалы: XIII ғ. араб географы Якуттың атақты географиялық сөздігінде «Сейхунның³ арғы жағындағы Тұрарбанд қаласы, Мәуереннахра⁴ іргелес, Шаштың ең алыс орналасқан қалаларының бірі. Оның халқы оны Тұрар және Отырар⁵ деп әрқиыл атайды» деп көрсетеді.

Соган қарағанда, VIII ғ. Кангу Тарбанның астанасы Тарбан (Отырар) болса, онда Қанлы мемлекеті тұсында, оның билеушілірінің ордасы осы қалада болған.

Қанлы мемлекетінің саяси тарихы енді зерттелуде. Олардың ғұндармен, үйсіндермен болған күрестері туралы бірқатар мәліметтер бар. V ғ. ортасына қарай күшті мемлекет одағының орнында кішігірім иеліктер қалғаны да белгілі.

Ғылымда Қанлы тұрғындарының этностық құрамы туралы күрделі мәселе бар. Олардың тілдері туралы да тұракты пікір қалыптасқан жоқ. А.А.Бернштамның пікірі бойынша, қанлылар түркі тілдес халықтарға жатады. Ал басқа авторлар оларды солтүстікирандық мал шаруашылығы тайпаларына жатқызып, тек бірінші мыңжылдықта Сырдария бойына түркі тілдес тайпаларының жылжуына байланысты тілдері мен этностық құрамы

¹ Білге қаған – шығыс түркілерінің «ұлы қағаны» (716 – 734 жж.); Құлтегін оның туған бауыры, қолбасшы.


² Үзінді: Кляшторный С.Г. Древнетюркские рунические памятники. С.157.

³ Сейхун – бұл да Сырдарияның атауы.

⁴ Мәуереннахр – «өзеннің ар жағында» дегенді білдіреді – Әмударияның шығысына таман Орта Азия мен Қазақстан аумағы осылай деп аталды.

⁵ Кляшторный С.Г. Древнетюркские рунические памятники. С.158.

өзгерді дейді. Кенес дәуірі зерттеушілерінің бірі Б.А.Литвинский оларды иран тілдес сақтарға жатқызды. Оның пікірі бойынша, қанлы – сақ тайпаларының бірі, атауы «тері киген адамдар» дегенді білдіреді дейді. Кейінгі жылдардағы археологиялық заттар қанлылардың сырт келбеті жайлы бірталай мәліметтер берді. Зерттеушілердің қолында тері киімдері, сүйек тақташаларына салынған суреттер бар. Самарқан маңындағы Корғантөбе қаласының жанында табылған көшпенділер моласының қазба жұмысында табылған сүйек тақташасында салынған сурет адамдардың дene құрылышымен қатар, киімдері мен соғыс қару-жарақтарын көрсетеді.



Қанлы жауынгерлерінің шайқасы: бірінші ғасырларда сүйек тақта бетіне салынған сурет. (Корғантөбе)

Аң аулау барысын сәтті бейнелеген екі суретті ерекше атауға болады. Тайпа көсемдерінің ұсынысымен жасалған қалалық шеберлердің өнер туындысында жауынгерлердің аянбай құресуінің көрінісін көреміз.

Ондағы қатысушы жаяу және атты жауынгерлер бір текті этностық топқа жатады: сопақша тар мандайлы, шаштары жоғары қайырылып, құлағынан асыра жиналған, қылқан көзді, қошқар мұ-

рынды, қайратты иекті, шалғы мұртты, сүйір сақалды. Жауынгерлердің күш-қуатын көрсететін тері кеудешеге тігілген қорғаныс қабыршақтар, қылыш өтпес мойынқабы бар дөңгелек дулыға мен айылбаспен табанына тарта киілген ықшам, женіл шалбары бар. Қоңе тарихи дәуірлерге сәйкес қару-жарап: жалпақ ұшты ұзын найза, екі жұзді ұзын семсер, белдікке екі жерден ілінген қынабы, үшқырлы жебелі садақ, ерге жалғасып жатқан ұзын ұш құрамды сауыт, қалқан, екі жебелік қорамсақ. Жауынгерлер жалы күзелген, кекілі түйілген аттарға мінген.

Сырдарияның орта ағысы мен төменгі ағысында этносаяси ахуал бірінші мыңжылдықтың ортасында түркітілдес тайпалардың келуінің өсерінен күрт өзгеріске ұшырады. Ерте ортағасырда Кангу Тарбан феодалдық құрылымы қалыптаса бастады.



Қаңлы садақшыларының анға шығуы: бірінші ғасырларда сүйек тақта бетіне салынған сурет. (Корғантөбе)

712 жылдың күзінде Самарқан қаласын жаулаған арабтарға қарсы түрғындардың көтерілісі болды, өз күшінің әлсіздігін сезген соғдылықтар түркілерден жәрдем күтті. Көп күттірмей түркі өскерлері де жетті. Түркі өскерлерінің ойсырата женілуі қоңе түркі руна жазбаларында айтылады, оған себеп күтпеген жерде

тылдан түркілердің одактасы кенгерестерге қарсы түргештердің¹ көтеріліп, соғыс ашуы өсер еткен.

Кенгерестер кімдер еді?

Оны білу үшін X ғ. алғашқы жартысында жазылған Византия императоры Константин Багрянородныйның «Империяны басқару туралы» енбегіне сүйенеміз. Мұнда Константинополь сарайының көршілерімен қарым-қатынас барысындағы соғыс-елшілік әдістері көрсетіледі. Онда славяндармен, болгарлармен, сербтермен, арабтармен және орыстармен қатар печенегтер де суреттеледі. Константин Багрянородный ежелгі печенег атауы туралы жазады, онтүстік орыс даласына қоныс аударғанға дейін оларды кангар деп атады делінген. Ол былай деп жазады: «Печенегтерді кангар деп те атайды, бірақ бәрін емес, оған тек үш округтің халқы жатады: Йабдиири, Куарциур және Хабсуксингил, олар басқаларына қарағанда ержүрек өрі текті болып келеді, өйткені кангар атауы да соны білдіреді»².

Ғалымдар мәлімсіз кенгерестерді кангар тайпаларымен салыстыра отырып, олардың тарихтың әр кезеңінде айтылған бір халық деген тұжырымға келді. Егер Канг – Сырдарияның ежелгі бір атауы болса, кангарлар (кенгерестердің) отанын дәл осы өзеннің орта ағысынан іздеу керек. Жоғарыда айтқанымыздай, Кангу Тарбан мемлекетінің орны да осы аймақта тұра келеді.

Сырдария мен Арас бойын қыпшақ-қимақ тайпаларының жауап алуына байланысты, келесі ғасырларда кангар (кенгерес) жалпы қанлы этнониміне айналды. Бұл X – XI ғасырларда болған өзгеріс. «Қыпшақтарда қанлы атауы – текті адамдарға тиесілі» деп Махмұд Қашқари енбегінде келтірген. Ғалымдардың пайымдауынша, көшпенделердің аксүйектері өздерінің қуатты Қаңлылар мемлекетінен шыққанын дәлелдеу үшін қыпшақ тайпаларының қанлы атауын қабылдаудына алып келді.

Қазақ руларының ішінде ірілерінің бірі саналатын қанлы атауы қалды. Бұл факт қазақ халқының этногенезін зерттеуге тікелей өсер етуі тиіс.

Қазіргі қазақтарды этногенетикалық зерттеуге де ежелгі қанлылардан жалғанған жіптің өсері бар. Бұл ғылыми зерттеу мен

¹ Түргеш – түркі тайпаларының бірі. VII ғ. бірінші жартысында Түргеш қағанаты болды.

² Узінді: Кляшторный С.Г. Древнетюркские рунические памятники. С.264.

анықтауды қажет етеді. Ал өзірше көне Қанлыдан Отырарға жалғасқан қолда бар деректерге шолу жасайық.

ФАРАБ... ОТЫРАР

Жоғарыдағы шолулар араб жазба деректерінде VIII ғ. бастап Отырар – Тарбан (Тарбанд) Тұрарбанд (Тұрап) деп аталуын ескерсек, Отырардың алғашқы Фараб аталуы да сол кездін үлесіне жатады. Араб тарихшысы ат-Таабидің «Пайғамбарлар мен патшалар» деген көп томдық енбегінде белгілі араб қолбасшысы Харис ибн Сурейдждің ортаазиялық билік жағына өтіп, ұлы Әлемдік держава – Халифатқа қарсы соғысқаны айтылады. Бұл аса күшті Халифат мемлекетінің жері кең аумақты Азия, Африка және Еуропа жерлерін алғып жатты. Оның пайда болуы VII – IX ғасырларда исламның таралуына байланысты еді. Хорасанды¹ 644 ж. арабтардың жаулап алуынан, Орта Азия мен Қазақстанның онтүстігіне жол ашылды. Арабтардың солтүстік-шығыс бағытына қарай шабуылы жаугершілік түрінде жүрді.

673 – 674 жж. Убейдаллах ибн Зийяд басқарған өскер легі Әмудариядан өтіп, Бұхар қамалының түбінде тұрды. Арабтарға қарсы шыққан түркі және бұхарлықтардың қиян-кескі соғысы арабтардың пайдасына шешілді. Олар алтын және күміс теңгеден, қымбат заттардан, қару-жарак, жоғары сапалы жібек маталар, тұрғындардан төрт мың құл және т.б. олжалар алғып Хорасанға қайтып кетті. 676 жылы Бұхар қайта қоршалды, тұрғындар тағы да құн төлеп құтылды. Қайта-қайта болған шабуылдар VIII ғ. басында араб өскерінің басына Кутейба ибн Мұслімнің келісімен Орта Азияны түгелдей жаулап алуымен аяқталды. Қатал және айлакер талантты қолбасшы және саясаткер Кутейба ибн Мұслім Орта Азия феодалдарының өзара қырқысуын ұтымды пайдаланды.

Арабтарға қарсы қанды соғыс пен отқа оранған осы сәтте қолбасшылардың бірі Харис ибн Сурейдж көзге түсті. Түркі қағанының² өскерін бастаған ол қарсыластарына күшті соққы берді, бірақ мемлекет ішіндегі талас, қағанды аталас інісі Курсулемнің

өлтіруі түркілердің қарсылығын әлсіретті. Арабтар толық женді, сол кезде көтерілісші Харис ибн Сурейдж Фарабқа айдалды.

Ат-Тааби тарихшының 739 жылғы оқиғаны жазуында Фараб атауымен қатар, Отырар – Отырарбент еске алынды. Онда IX ғасырда Хорасан билеушісі әл-Мамунның халиф әл-Аминға қарсы соғысы басталуының қарсанында, уәзірі ибн әл-Фази ибн Сахиаға ішкі жағдайдың әлсірегенін айтып, «Хорасанның ішкі жағдайын жөндеп, көтерілісті басып, Аминге қарсы құресуге болады. Отырарбент патшасы төлеп отырған салығын тоқтатты дейді»¹.

Ат-Таабидің жазғандары Абул-Валид Мұхаммед әл-Азракидің «Мекке қаласының шежіресі» деген енбегінде жалғасын табады. Уәзірдің туған інісі Хасан әл-Фадлдің тақ пен тәжге қатысты жасаған олжасына орай әл-Мамунның тақ ұстауы, қазына жұмсауы туралы жазбада өз туысының соғыс ісіндегі сәттілігін көрсетеді: «Отырарды билеуге үмтүлды, ол шекара бастығын өлтіріп, қарлук жабғысынан өйелі мен ұлдарын тұтқынға алды»².

Басқа деректерде Отырар және Фараб атаулары қалалық не аймақтық мағынада көрсетіледі: мысалы әл-Истрахриде Арыстың төменгі ағысындағы Фараб округі айтылса, Ибн Хордадбекте Фараб қаласы, ал «Худуд-әл-Әлем» шығармасында – қайтадан Фараб аймағы, Якуtte – тағы қала Фараб болса, ал XIII ғасырдан бастап тарихи енбектерде Отырар қаласы атымен мәлім бола бастады³.

Қазақстанның ортағасырлар тарихын зерттеушілер аралас атаулардың шығуын төмендегіше түсіндіреді. VIII ғасырда Сырдарияның⁴ орта ағысында Фараб және Отырар жеке-дара аймактары болған. Біріншісі дарияның сол жағында болса, екіншісі он жағында орналасқан. Кейіннен бір аймакқа біріккенімен, атау-

¹ Сонда. 260-б.

² Михайлова А.И. Новые эпиграфические данные для истории Средней Азии IX в. // Эпиграфика Востока. М.; Л., 1951. Т.5. С.11 – 12.

³ Настич В.Н. К периодизации монетной чеканки Оттара и ее роли в денежном хозяйстве города и области // Ближний и Средний Восток. Товарно-денежные отношения при феодализме. М., 1980. С. 164-169.

⁴ Ақишев К.А., Байпаков К.М., Ерзакович Л.Б. Древний Оттар. Алматы, 1972. С.28 – 29.

¹ Хорасан – Онтүстік Түркменстан және Солтүстік Иран.

² Бартольд В.В. Сочинения. М., 1963. Т.1. С.248 – 250.

лардың екеуі де өмір сүрген. Шығыста астана қаланың аты да, аймақтың атауы да Фараб, өрі Отырар атауын да сақтаған.

Отырар алқабында Х ғасырда Кедер атауымен астана пайда болды, ол туралы әл-Истахридің мәліметінде: «Кенжидтен¹ төмен Фараб аймағы орналасқан, Сырдарияның екі жағын алғып жатқан ұзындығы мен ені бір күндік жолға жақын. Астанасы Кедер өзеннен жарты фарсах жерде»² дегенін әл-Макдиси: «Кедер жана қала болды, онда жаңа мінбер³ салу үшін өзара қақтығыс соғыс тудырды»⁴ деп жалғастырады. «Худуд әл-Әлемде» Кедер тұрғындарын жаужурак өрі батыр деп жазады.

Бірақ бұл қала атауы жылнамалардан жоғалып кетеді, XI ғасырда оны бірде-бір ортағасырлық автор аузына алмайды.

Ғасырлар қойнауынан сонда оны қандай құйын жел ұшырып өкеткен?

Сырдарияның бойы X ғасырда қылы кезеңді басынан кешірді. IX ғ. ақырында оғыздар⁵ печенегтерді (қаңғарлар) талқандады. Олардың бір бөлігі оғыздарға қосылып, басқалары батысқа қарай кетуге мәжбүр болды. Сонымен, IX ғ. аяғы X ғ. басында Сырдарияның төменгі ағысында Жаңакент қаласын астана етті. Бұл өзен және құрлық арқылы осы жерден отетін керуен жолының қылышында орналасқан манызды сауда және қолөнер орталығы болды. Осы арадан атақты сауда жолы қазақ жеріне терендереп, Сарысу, Кенгір, Есіл және Нұра өніріне қарай керуен жолдары кететін.

Оғыздардың ірі мемлекеті Орта Азия мен Еуропаның соғыс және саяси тарихында үлкен орын алды. Ирі Хазар мемлекеті және Хорезммен бакталас оғыздар Орта Азияға шабуыл жасады. Тарихи мәліметтерге жүгінsek, хазарларға қарасты 965 жылы оғыз жабғуы (ябу)⁶мен Киев князы Святослав арасында соғыс келісіміне қол қойылды. Олардың көздеңген мақсаттары саяси және экономикалық жағынан бір болатын. Көне орыс мемлекетіне ірі қарсыласы Византия мемлекетін жою мақсатын іске асну үшін әрі Шығыс базарына шығу үшін керуен жолдарын билеп отырған

¹ Кенжид – Арыста орналасқан округ.

² Материалы по истории туркмен и Туркмении. М.; Л., 1939. Т.1. С. 183 – 184.

³ Мінбер – собор мешіті.


⁴ Бартольд В.В. Сочинения. Т.1. С.270.

⁵ Каспий манында, Сырдарияның төменгі ағысы мен Арал аймағында тұратын түркі тілдес тайпаларды оғыздар деп атады.

⁶ Жабгу – патша.

хазарларды жену қажет болды, ал оғыздар Қара теңіз жағалауындағы даланы иемденіп, Еділ бойы арқылы Манғыстау мен Үстіртке баратын сауда жолын тартып алмақ болды. 965 ж. Святославтың Хазарияны женуі оғыздардың хазарларға қарасты құресін женелдетті. Мұның бәрі ірі Оғыз мемлекетінің саяси күшөюін қамтамасыз етті.

Мемлекеттің шекарасы кеңейді. Олар онтүстікте Сырдарияның орта ағысын, Арыс өнірі мен Қаратай беткейлерін алды. Оғыздардың бір бөлігі Шаш пен Испиджабты жайлады. Оларға Фарабпен қатар Сауран, Сұткент, Субаникент қалалары бағынды. Қалаларды жабғумен қатар бірнеше патшалар биледі, олардың ордалары қалаларда болып, қазына, азық-түлік қорына иелік етті. Солардың бірі Отырар алқабындағы X ғ. оғыздар салған жана Кедер астана қаласы Фарабпен (Отырар) жарыса кеңейіп өсті.



Отырар жазығындағы оғыздардың керамикасы. VIII – X ғғ.

Х және XI ғасырлар тоғысында оғыздардың құлдырай бастаған мемлекеттік бірлестіктері күрт әлсіреді. Феодалдық қақтығыстар, билеуші топтардың отырықшы және көшпелі халықтарды аяусыз қанауы – мемлекеттің құлдырауына тікелей әсер етті. Сырдариялық жабғуға қарайтын ірі мемлекет XI ғасыр ортасында қазақ даласына қыпшақ тайпаларының басып кіруіне байланысты толық құлады. Кедер қаласы да, сірә, осы тұста жоғалған болуы керек.

Жылнамаларда айтылмай қалған Кедер атауын зерттей келе белгілі археолог, ежелгі Хорезмді зерттеуші ғалым С.П. Толстов мынадай қорытынды жасаған, Әмударияның төменгі ағысындағы қала атауы Кедер урбонимін¹ талдай келе, керд (керт) қаланы атаудағы ежелгі негіздердің бірі деп тұжырымдайды. Мұндай жағдайда Кедер «қалалар елі» дегенді білдіреді деген ой айтты.

Әрине, басқа да пікірлермен санасу қажет. X ғ. саяхатшысы ибн Фадлан оғыз жабғулары кудеркан деп аталғанын айтады. Сондықтан Кудер (Кедер) билеушілер ордасының атауы болған дегенді білдіреді. Кедердің Фараб аймағына қарауы, Оғыз мемлекетінің құлауымен бірге кетуіне қарағанда, бұл да тарихи шындыққа жаңасады.

ОТЫРАР МЕН ҚЫПШАҚТАР: БАЙЛАНЫС БАР МА? БАР...

Сонымен, оғыздардың ірі мемлекетіне қараған Отырап алқабын XI ғ. қыпшақтар жаулады. Қыпшақтар орталығы Сығанак, Жент сияқты қалалардан табылған керамика ұлғілерінің осы Отырап қазбаларынан шығуы бұл тайпаның Отырапда болғанын дәлелдейді. Қыпшақ ыдыстарының бояулары қызыл, сары, жасыл түске сары, жасыл, қоңыр және ақ бояулармен өрнек жүргізілуімен ерекшеленді. Мұндай ыдыстар Еділ бойындағы Алтын Орда қалаларында да көптеп кездеседі, ол монғолдармен бірге келген қыпшақтардан қалған...

IX ғ. араб тілді еңбектерде алғаш рет қыпшақтар² Қимак тайпалық одағынан бөлініп шыққан халықтар туралы, Ертістің бойында орталығы болғандығы жазылады. Қыпшақ патшаларын қимактардың тағайындауы туралы деректерде айтылғанына қара-

ғанда, қыпшақтар қимактарға саяси бағынышты болғанын көрсетеді. Оғыздарды Сырдарияның бойынан ысырған қыпшақтар Қазақ даласының кен-байтақ жерін билеп, өздерінің Дешті Қыпшақ (Қыпшақ даласы) атауын орнықтырды.

Қимактар туралы әдебиеттер арқылы, оғыздарды женғен қыпшақтардың тарих сахнасына шығып, қазақ даласын билегенге дейінгі өмір сүруін, салт-дәстүрін білуге болады.

Қимактар туралы ибн Хордадбек, Кудама, әл-Истахри, ибн Хаукал жазған ортағасырылғы шығармаларда айтылады. Олар туралы толық жазған XII ғ. араб географы Әбу Абдаллах Мұхаммед әл-Идрисидің «Нузхат әл-Мушрак фи-ихтирак әл-афак» деген еңбегі. Әзі ғалым, тағдыры ерекше бұл адам Сицилия королі II Роджер тапсырысы бойынша жазып шыққан. Ол өзінің шығармасында, X – XI ғ. басында жазылған қимактан шыққан Жанах ибн Хакан әл-Қимақи еңбегіне сүйенгенін айтады.

Одан біз қимактардың мал шаруашылығымен айналысқанын, соның ішінде көшпенделердің басты малы жылқы болғандығын оқымыз: «жайлауда бір жерден екінші жерге көшіп-қонып жүрген» дейді. Басқа әдебиеттерде айтылғандай: «Түріктің» жер басып жүргенін гөрі, ат үстінде отырғаны көп десе, шығармада қимактардың жылқы маңына құмар болғаны айтылады. Ертістің жағалауында мындал жылқылары жайылып жүрген. Жылқы малы тек мінсе көлік емес, олардың асыраушысы да болды. Еті тамаққа жараса, қымызы дәру сусыны болды. Қимактар құйрықты қой асырады. Қойдың етінен басқа майын да алды. Оны жарық үшін пайдаланды, жылы киімдер дайындауға терісі мен жұні таптырмайтын зат болды, қимактар аңшылықпен қатар балық аулаумен де айналысты. Әрине, қимактардың барлығын көшпелілер деп санау қате болар еді, деректерге сүйенсек, өзен мен көл жағалауында, шекарада, таулы аудандарда, бекініс пен қалаларда өмір сүріп, отырышылар шаруасын да атқарған. Қалалардың үлкені қағанға арналған астана қала болды, бұл өкімшілігі бар, көсібі дамыған сауда орталығы болды. Қалалар темір қақпалы қамалмен қоршалып, тұрғын орамға (кварталға) бөлініп, базар, ғибадатханалар орналассты. Қатардағы тұрғындар жеркепелерде өмір сүрді. Егінші қимактар бидай, арпа, сұлы, бүршақ егіп және жүзім өсірді¹.

¹ Урбоним – қаланың атауы.

² Қыпшақ этнонимі тұнғыш рет VII ғ. ежелгі түркі жазбаларында кездеседі.

¹ Қараныз: Кумеков Б.Е. Государство кимаков IX – XI вв. По арабским источникам. Алматы, 1972.

VIII ғ. қимақ тайпалық одағы Ертіс бойынан біртіндеп Қазақстанның кең даласына тарай бастады. Оларға XI ғ. басы мен ортасында Ертіс бойынан Оңтүстік Оралға дейінгі Арап бойы – Каспий бойы далалары, Орталық Қазақстаннан Жонғар Алатауына дейінгі кең аумақ қарады.

Ал Сырдарияның бойынан оғыздарды ығыстырған қыпшақтар батысқа қарай жылжып, половцы деген атпен Киев Русі мен Византияның көршісі болды. Сол батыс қыпшақтар (половцы) тарихы жақсы зерттелді. Ал қазақ жеріндегі қыпшақтардың тағдыры зерттеуді қажет етпеді. Сонда да болса әдеби енбектерден қыпшақтар туралы не білеміз?

XI ғасырдың аяғы – XII ғасырдың басында, ғалымдардың пікірі бойынша, орталығы Сығанақ пен Жент қаласы болған Қыпшақ тайпаларының конфедерациясы пайда болды. Деректерде Сығанақ және Жент билігі деп аталды. Жент исламды кейін қабылдаған болса керек. Ортағасырлық авторлар «діңсіздер билігі» деп жазды. Орта Азияның ірі мемлекеттерінің бірі Хорезм мен арасы XI – XIII ғасырларда күрделі болып, соғысып та отырған. Олар хорезмшахтарға бағынып, арасында бейбітшілік келісімге қол қойған. Хорезмшах сарайында қыпшақ билеушілерінің беделі күшейіп, негізгі әскери қызметтерді ала бастады. Қыпшақ билеушісінің қызы Туркан хатун хорезмшах Мұхаммедтің анасы еді.

Орталық Қазақстан мен Тараз манындағы қазылған Қыпшақ обаларының ішкі құрылыштарының біркелкі ұқсастықтарының болуы, өзіндік әдет-салт туралы мәлімет, ондағы шыққан заттардың ұқсастығы арқылы олардың киімі, әдет-ғұрпын анықтауға болады. Қыпшақ жауынгерлері мынандай болды: киімдері теріден жасалған. Етікке сұғылатын қой терісінен жасалған шалбар¹, оған түрлі түрлі-түсті жіптен өрнек жүргізілген. Кеудесіне алтын түстес не қызылқүрен шапан киіп, қалың тери белдік тағынған. Белдікке қанжар мен қылыш ілінген. Жауынгер сол жағына ағаштан жасалған әшекейленген қынап іліп, ол 0,7 – 0,8 м келетін жебеге толы болған. Жебе ұштары: ромбы, жалпақ, доға, үшбұрышты үшкір болып келген, белдікке қыпшақтарға тән қошқармуйізді өрнектермен көмкерілген қалта ілінген.

¹ Қорғандардың бірінен қой терісінен тігілген шалбардың сакталып қалған қалдықтары табылды.

Сакталған заттарға қарап, қыпшақ жауынгерлерінің ат-әбзелдері қандай болғанын елестете аламыз, аттың ері ағаштан жасалып, темір қысқыштармен бекітілген, сыртынан былғарымен көмкерілген. Темір үзенгі – төменгі жағы аяқ тіреуге қолайлы кең келіп, жоғары жағы ілгекті бекітуге ынғайлы жасалған.

Жерлеу салтына келсек, адам сүйегіне қоса жылқы мен қойешкінің жауырын, омыртқа, қабырға сүйектері жерленген. Қыпшақ обаларына тән сұрақ белгісі тәріздес сырғалардың болуы, осы белгіні басқа тайпалардан көрмейміз. Сонымен қатар қыпшақтар жерлегендеге өлік жанына тенгелер қойылған. Бұл дәстүр антик дәуірден хабар береді. Мысалы, о дүниеге, өлген адамдар жаны баратын Аид қараңғы патшалығына сапары кезінде Харонның қайығымен Стикс өзен арқылы өткенде оған тасымалдағаны үшін ақы төлейтіндігін қалайша еске түсірмессін... Табылған тенгеге қарап жерлеу уақыты – XIII – XIV ғғ. кезеңі анықталды.

Қыпшақ қорғандарын қазуда қазақтың кең даласына бұл кезде ислам дінінің әлі енбегенін, олардың пұтқа табынғандығын байқаймыз.

Сырдарияның орта ағысына көшіп келген қыпшақтардың кимақтар туралы жазылған мәліметтермен салыстыруға болады, қыпшақ тайпалық одағынан бөлініп шыққан олар малшы, егінші қимақтардың этникалық және әлеуметтік болмысын сактап қалды. Құмкент, Отырар, Сауран, Баба-ата, Қараспан қалаларында табылған керамикалар қалалық көсіпкерлік өнімі болса да қыпшақ обаларынан табылған қыш ыдыстармен ұқсас келеді. Сырдария мен қазақ даласында өмір сүрген қыпшақтардың кейінгі тағдыры зерттеуді қажет етеді. Қалай болғанда да, олар қазақ этносының қалыптасуына үлкен өсерін тигізді.

БҰЛТ ҮЙІРІЛДІ. КИЫНШЫЛЫҚ ЗАМАН КЕЛЕДІ...

Шығыста 1206 жылы Темучинді халқы ақ киізге отырғызып, Шыңғысхан атымен үлкен феодалдық мемлекеттің ханы сайлап жатқанда, сол ханның 1920 жылы монғол әскерін бастап келіп Отырарды қирататының Отырар халқы білмейтін еді. Әлі 14 жыл қала халқы тыныш өмір сүріп, базар саудасы дүрілдеп жатты, 14 жыл ғылым, қолөнер дамыды. Қазіргі Орта Азия және Қазақ-

стан жерінде, көптеген кең аймақта қалалар гүлденіп өсіп жатты. Бұхар және Тараз, Испиджаб және Самарқан, Үргеніш және Сауран, Мерв және Сығанақ, Шаш пен Талғар, Баласағұн және Қойлықта – экономика мен мәдениет XII – XIII ғ. басында гүлденудің жоғары дәрежесінде тұр еді.



Шыңғысхан. Қытай суреті

Шыңғысхан – өзінің ерекше жаратылышымен дараланды, өскерді жоғары біліктілігімен ұйымдастырды. Саясаткер және айлакер – біреулерді алдап-арбап, екіншілерін күштеп өзіне қарастып, үшіншілерін соғыста жеңе отырып көшпенді ордаларды Монғол мемлекетіне біріктірді. Бұған дейін не болып еді? XII ғ. ақырында Ұлы Қытай қабырғасынан қасиетті Байқалдың мөлдір суына дейінгі орталықта көшпенділердің – татарлар, наймандар, керей, меркіт, жалайыр, манғыттардың бір мемлекетке бірігуі басталған еді. Олардың бірігуін қылыштың күшімен тездете отырып, ірі мемлекетке айналдыру Шыңғысханның тәлейіне тиген еді. Барлық монғол тайпалары Шыңғыс ұлысына айналды, көшіп-ко-

нуға жарайтын кеңдаланың жұрты оған бағынды. Ол жердегі тұрғындар оның ұлдары мен туысқандарына бөліп берілді. Ең ірі әкімшілік бірлігінің түмен¹ жауынгері болды. Әскербасының шақыруына әрбір арат² қару-жарағымен, атымен белгілі жерге жиналатын. Әскер құрамы ондық, жүздік және мындық болып, түменге біріккен. Олардың арасында темірдей тәртіп орнатылған, бір адам айыпты болса, оның айыбына ондықта оны бірдей, жүздікте жүзі бірдей, мындықта мыңы бірдей жазаланды. Әскер басында көшпенділердің аксүйектері – нойондар, баһадүрлер, мергендер болды. Билемен өз маңында іріктелген мың жауынгер-ардагерлерден тұратын кешік³ ұстады.



Монғол қолбасшысы Сүбедей баһадүр. Қытай суреті

¹ Түмен – 10 000 салтатты өскер.

² Арат – малшы.

³ Кешік – жеке гвардия.

Осындай өскери өнер менгерген Шыңғысхан өзінің ұзак жаулап алу жорықтарын бастады. Ол Қытайды бағындырды, әртүрлі қазынамен қоса сапалы өскери техниканы қолға түсірді: қабырға бұзатын машина, қоршауды ататын құралдар. Монғол аттары тұяғының дүрсілін Корея да есітті. Енді Шыңғысхан халқы көп, ірі бай елдері бар Батысқа көз тікті. Алдымен ол Қарлұқ жабғуы басқарған Жетісудағы ірі мемлекетті және Күшік хан басқарған Найман хандығын құлатты, соナン соң атты өскерін Хорезмшах мемлекетінің шекарасына аттандырды.

Хорезм гүлденіп, ірі мемлекетке айналған болатын. Оған бүтін Орта Азия бағындырын. Хорезмшах Ала ад-дин Мұхаммедтің Дешті Қыпшақ даласымен Иран жеріне жасаған жорығы сәті аяқталған. Оған Самарқан және Бағдатқа дейінгі феодалдық мемлекеттердің билеушілері бағынды. Мұхаммедтің женістен басы айналып, өзін екінші Македонский санай бастады. Оның Үргеніштегі сарайында Александр ғұрпымен «науба зу-л- Карнайн» деп атлатын салтанатты жиын өткізу дәстүрі қалыптасты. Жиынға музықанттармен қатар, бағынышты елдер билеушілерінің 27 ұлдары қатысып отырды.

Сыртқы қуаты гүлденіп өскенмен, елдегі ішкі бірлік нашар болатын. Мұхаммедтің айналасында қандай жолмен болса да өздерінің саяси көзқарастарын өткізуге ұмтылатын әр түрлі топтар бас қосты. Хорезмшах өзінің анасы – қыпшак билеушілерінің бірінің қызы, хорезмшах болған әкесіне тұрмысқа шыққан Туркан-хатуннан сескенетін еді. Анасын қыпшак қолбасылары қолдайтын. Мұхаммедтің бағдаттық халифпен араздығы және дін ісіне араласқаны үшін дін өкілдері де оны қолдамайтын. Қанаудың, салықтың өсуі Орталық үкіметке көпестердің, қалалықтар мен шаруалардың да қарсылығын күшетті. Сарай адамдарының алдамшы қолдауына елтіген Мұхаммед «монғолдан шыққан жабайы тобырдың» қауіпті екенін елей қоймады. 1218 жылы Шыңғысхан жабдықтаған сауда елшілігі Үргенішке баар жолда Отырада да-мылдады. Хорезмшах монғол керуенін құртуға бүйрек берді.

Шыңғысханның замандастарына сенсек, Мәуереннахр қалаларына, Самарқан және Бұхарға, киім-кешек заттарына айырбастау үшін күміс, аң терілері және т.б. көптеген байлықтар тиелген керуенмен көпестерді және тұркілерді аттандырған. Деректер бойынша, шекара қала Отырадың тегі тұркі билеушісі хорезмшах-қа хабар жеткізеді. Ол келген керуенде жойып, оның байлығын

өзіне жіберуін талап етеді. Жергілікті билеуші өзі бағынатын ханының талабын орындаиды¹.

Қыпшақтан шыққан қолбасшы Инашық Қайырхан сол билеуші болатын. Ол Мұхаммедтің анасының туысы еді. Оның бұрынғы түркілік есімі Жаған туды «Піл келді» дегенді білдіретін. Керуенде көпестен ғөрі ашық және жасырын тыңшылардың көп екенін біліп, шешімді батыл қабылдайтын батыр Қайырхан мемлекетінің қауіпсіздігі үшін қызмет етті. Керуеннің ішінде қала тұрғындарына «бір апаттың болатынын», монғол өскерінің көптігін, жеңілмейтінің дәріппеп үгіт жүргізгендері болады. Осы қанды оқиғаны Шыңғысханға аман қалған бір түйеші жеткізеді. Ызалы монғол билеушісі Мұхаммедтен айыптылар мен Қайырханды өз қолына беруін талап етіп, елші жіберді. Мұхаммед монғол елшісін өлтіруге, сондай-ақ оны бастап жүрген мұсылман көпестерінің сақалдарын кесуге бұйырды. Бұл сол кездегі дипломатия тілімен айтқанда, соғыс жариялаумен бірдей еді. 1219 жылдың күзінде монғолдар аттарын Сырдариядан суарды. Үргеніште Отырад қабырғасына монғол өскери жетпей тұрғанда өскери кенес өтіп, қолбасшылардың бірі сонда бар күшті біріктіріп монғолдармен шайқасқа шығуға ұсыныс жасады. Бірақ Мұхаммед әр қаланың өз өскерімен қорғануын, яғни қолбасшылардың жеке соғыс ашуын талап етті.

Отырад қорғанысының барысын деректерде төмендегідей суреттеп жазды. «Олар (монғолдар. – авт.) Отырад қаласына келді. Олар шатырларын қаланы қоршай орналастырды. Сұлтан Қайырханға өзінің шекара өскерінен 50 мың адам берді, сондай-ақ 10 мың адаммен Қараша Хаджигебті көмекке жіберді. Қаланың сыртқы қамалы берік болатын, онда сансыз қару-жарап жиналады. Қаланың ішкі соғысына Қайырхан барлық дайындықты жасады, жаяу өскер мен атты өскерді қақпаны құзетуге қойды. Өзі қабырға үстіне көтерілді. Алға көз жіберген ол жау өскерінің көптігін, сансыз қолдың кендаланың бәрін алып жатқанын, теніздей толқыған нөпір мен сауытты аттар мен қашырлар дауыстарынан жер тітіркенетіндігін көрді.

¹ Қараныз: Сборник материалов, относящихся к истории Золотой Орды. Спб., 1884. Т.1. С.5.



Монголдың Бату ханы. Қытай суреті

Әскер қамал сыртында бірнеше қатар болып орналасқан. Шыңғысхан әрбір әскери қолбасшыларды белгілі бір бағытқа жіберді. Ол үлкен ұлы Жошыны бірнеше түмен батырларымен Жент және Баршынкентке, бірнеше қолбасшыларын Ходжент және Бенакентке жіберді. Өзі Бұхарға бет бүрді. Үгедей мен Шағатайға Отырады қоршауды тапсырды. Атты әскер басқа бағытта аттанғандықтан, Отырап бес ай бойы қорғанысқа шыдады.

Отырап түрғындарының мүмкіншілігі таусылды, Қараша Қайырханды монголдарға бағынып, қаланы беруге үгіттеді. Осы қыншылыққа себепші болған Қайырхан, монголдар оны аямайтынын өрі еш құтылу мүмкіншілігі жоқ екенін білді. Сондықтан бар күшин салып құресті. Қараша өзінің әскер бөлімдерімен Суфи-хан қақпасына кетті. Тұн мезгілінде татар әскерлері осы қақпадан кіріп, Қарашаны тұтқынға алды... Айыпты, айыпты емес Отырап

түрғындары – кәрі-жасы бәрі мал сияқты қаладан айдал шығарылды. Монголдар қолына іліккен заттар мен мұліктерді талантаражға салды.

Қайырхан 20 мың арыстан жүректі, батыр тұлғалы ерлермен ішкі қамалға кіріп, қорғанды оның әрқайсысы ақырғы деміне дейін қорғады; монгол әскері де көп шығынға ұшырады. Бұл күрес айларға ұласты, Қайырхан екі серігімен қалды, қашып кету туралы ойлаған да жоқ, жанын салып соғыса берді. Монгол әскерлері ішкі қамалға кіріп, үй төбесіне дейін құды, сонда да берілмей алысты. Оның үстіне оны тірідей қолға түсіруге бұйрық болған сон, ұрыс барысында өлтіре алмады. Оның жолдастары өлімді азаппен қарсы алды, оның өзінде де қару-жарап қалмады. Сонда қыздар қабырға кірпіштерін беріп отырды. Ол құлыққа көшіп, бірде құлап, бірде қарсы ұмтылып, монголдың көп әскерін құлатты. Бірақ бәрібір қақпанға тұсті, қолы артқа қайырылып, шынжырға байланды. Корған мен қабырғаны жермен-жексен еткеннен кейін ғана монголдар тыныш тауып, әрі қарай кетті. Түрғындар мен кәсіпкерлерді хашар есебінде, кәсіпкерлік өнерін пайдалану үшін өздерімен бірге ала кетті. Шыңғысхан Бұхардан Самарқанға келген кезде оларды сол жерге алып барды»¹.

Сонымен, Отырадың тағдыры шешілді, түрғындары өлтірілді, тұтқынға алынды, қара жұмысқа жегілді, қамал қирады.

Отырада қолға түскен Қайырхан сол кезде құлаған Самарқанға жеткізіліп, азапталып өлтірілді.

Сатқын Қараша Хаджіб болса, монголға қызмет етуге үміт артқан, оны монголдардың өздері бір рет сатқындық жасаған адам тағы да сатады деп өлтіріп тастады.

Монгол шапқыншылығы қиратудан басталды. Алқаптар қаңырап қалды, қалаларда адам қалмады, құл-қоқыстың үстінде жабайыланып кеткен иттер қанғып жүрді. Бұл туралы К. Маркс «Орда тағылықтары Хорасанда, Бұхарда, Самарқан, Балқыда және басқада гүлденген қалада жүргізілді. Өнер, бай кітапхана, мешіттер мен сарайлар, жетілген ауыл шаруашылығы бәрі келмеске кетті» деп жазды².

¹ The History of the World (Congueror by Ala-ad-Din Ata Malik Juvaini) / Transe by J. A. Boyle. Manchester, 1958. Vol. 1. P. 82 – 86.

² Маркс К. Хронологические выписки//Архив К.Маркса и Ф.Энгельса. Т.5. С.221.

Отырар құлағаннан кейін Жошы қосыны 1219 – 1220 жж. қысында, өзінің сенімді жолбастаушылары Хасан-қожа мен Әли-қожаның бастауымен, Сырдария бойындағы қалаларды бірінен соң бірін алды. Сығанақта Хасан-қожа тұрғындарды қорқытып, берілуге үгіттеді, алайда сығанақтықтар сатқынды өлтіріп, апта бойы шабуылдарға төтеп берді. Бұл үшін Сығанақ тұрғындары түгелдей өлтірілді. Өзгент, Баршынкент және Жент қарсылық көрсетпеді, оның есесіне Ашнас ұзақ қорғанды, көптеген монғолдар ажал құшты. Қала алынып, тұрғындардың басым көвшілігі өлтірілді.

Бұхар мен Самарқан алынды. Бұл қалаларды шабуды Шыңғысхан мен оның кенже баласы Төле басқарды. Бұхар үшкүндік қоршаудан соң өртелді. Жақсы бекінген, 60 мың тұрақты өскер мен 50 мың халық жасағы бар Самарқан бір жыл бойы қорғануға мүмкіндігі бола тұра бес-ақ күн қарсыласты. Мұнда да Самарқан гарнizonының басшысы Туған-ханның сатқындығы орын алды. Ерлікпен қарсыласкан Ходжент, бес ай қорғанған Ургеніш алынды. Мұнда ұрыс әрбір үй, әрбір орам үшін жүрді. Монғолдар сүйегі тау болып үйіліп қалды. Сондықтан монғолдар қаланы түгел қирайтып, Әмудариядағы тогандарды бұзып, қаланы су астында қалдырыды.

Шыңғысханның әрекеті хорезмшах қолбасшыларын естен тандырыды. Мұхаммедтің өзі Иранға, кейін Каспийдегі елсіз аралға қашып бас сауғалады. Сонда ол өкпе қабынуынан қайтыс болды.

1222 жылға қарай Қазақстан мен Орта Азия монғолдардың қоластында болды. Қанырап елсіз қалған қалалар Шыңғысханның жойқын жорығының ізі болатын, соның бірі Отырардың күйреуі еді.

АЛАСАПЫРАН... БІРАҚ ОТЫРАР ҚАЙТА ӨРКЕНДЕЙДІ

Күйрекен Отырардың қайта қалпына келуіне небәрі 30 жыл уақыт керек болды. Бұл туралы табылған XIII ғасырдың орта кезіне жататын көптеген нумизматикалық заттар арқылы көз жеткіземіз. Мәселен, 1898 жылы Шымкент уезінен табылған алтын тенгелер Отырарда тенге соғудың қаншалықты қарқынды дамығанын дәлелдейді. Осы жерде шығарылған ақшалардың кеңінен

айналымға түсkenін 1955 жылы Ташкент қаласының маңынан табылған 143 теңгесі бар көмбе де айғақтаса керек. Отырар тенге сарайының құмістелген мыс дирхемдері 1948 жылы қазылған Шыршық станциясында және Қарагұншік қаласында, Жамбыл облысының Сарысу ауданында табылған көмбелерден кездесті. Отырар ақшалары 1928 жылы Шаян ауданындағы көмбеден де, 1928 жылы Наманган маңайындағы көмбеден де, және т.б табылған еді.

Бірақ тенгелерге қарағанда, қала өмірінің жандануы тек Отырарға және бірнеше сырдариялық қалаларға ғана қатысты болғанын байқауға болады, олардың экономикалық өркендеуі монғол шапқыншылығына ұшыраған орасан зор аумақтағы қалалардың жалпы құлдырауы жағдайында орын алды. Көптеген қалалар біржолата жермен-жексен болды. Қала тұрғындары қырылып, қолғонершілер Монғолияға әкетілді. Жана билеушілер көшпелі өмір салтына немкұрайды қарайтын қалалықтар мен егіншілерді жек көрді.

Монғолдар өздерінің жаулап алған жерлерін басқара алмай, мұсылман көпестеріне және жергілікті феодалдардан шыққан монғол итаршыларына сатты. Олар ұлы қағанның пайдасына салық жинауға құлышына кірісті, бұл орайда, олар, әрине, өздерін де ұмыта қойған жок. Екі жақты езгіге ұшыраған халық көтеріліс жасады, бірақ оны монғолдар басып-жаншып, көтерілісшілерді қанға бөктірді.

Өндіргіш күштердің құлдырауы жаулап алушылар ішінде то-лассыз бөлініске әкеп соқтырды. 1227 жылы Шыңғысхан өлгенге дейін-ақ ұлдарының арасында жер бөлінісі болды: үлкен ұлы Жошы Ертіс пен Еділ арасындағы жерді алды; Шағатай еншісіне Орта Азия тиді, оған Хорасан жатқан жок; Үгедей өзінің туын (бунчук)¹ Тарбағатайда, Еміл мен Кобук жағасына тікті; Төлей әкесінің шанырағына ие болып, Қарақорымда қалды.

Бірақ XIII ғасырдың ортасында феодалдық соғыстар басталып кетті. Екі отау – Жошы мен Төле – Үгедей мен Шағатайдың отауларына қарсы бірікті. 1251 жылы құрылтайда² бірінші коалицияның ханзадалары ұлы хан етіп Төленің баласы – Мөңкені сайлады. Ол таққа отырған сөттен бастап өз қарсыластарының айла-шарғысына қарсы қатал шаралар қолданды, Шағатай мен

¹ Бунчук – ту.

² Құрылтай – кездесу, жиналыс, жиын.

Үгедей отаулатының ықпалды өкілдерін өлтірді, ал олардың ұлыстарын екінші қатардағы мекендер етіп тұқыртып тастанды. Қолұшын бергені үшін Жошы үрпактары Оңтүстік Қазақстанға және Орта Азияның солтүстік аймақтарына билік жүргізді. Келесі онжылдықта Шағатайдың немересі – Алгүй – атасының иелігін күшпен қайта тартып алып еді, бірақ оның өзі ұзаққа бара қойған жоқ: билік Үгедей үрпағының бірі Хайду ханзада қолына көшті.

Жаулап алушылардың арасындағы қарама-қайшылықты тарихшылар отырықшы тұрғындар мен қала өміріне қатысты жүзеге асқан ағымдардың көрінісі деп бағалайды.

Монғолдардың басым бөлігі және оларға қосылған түркі әскери-көшпелі ақсүйектері отырықшылыққа жаулық көзқараста болды және қалалар мен кенттерді тонауға күш салды. Жүйесіз әрі қатыгез езгі аймақтың берекетін кетірді, онда берекетсіздік пен тәртіпсіздік орын алғандығы оларды мазалай қойған жоқ. Әрине, бұл топ күшті орталықтандырылған билікке де қарсы болды және тез баю жолына түсken жергілікті ақсүйектермен, шенеуніктермен және көпестермен байланыс жасауға құлшынды.

Хан сарайына неғұрлым жақын әскери-көшпелі ақсүйектердің енді бір бөлігі (шағыны), сондай-ақ шенеуніктердің бір бөлігі, діни адамдар және көпестердің басым бөлігі орталық билікті шектеуге ұмтылған бірінші топты жақтамай, құшті орталықтандырылған билікті құруды қалады, қала өмірін, ауыл шаруашылығын қайта қалпына келтіруді көкседі. Екінші топтың неғұрлым көреген өкілдері «өзін отырған бұтакты кесуге» болмайтындығын түсінді және шапқыншылықты тоқтатып, бейбіт өмір орнатуды, егіншілер мен қалалықтарды кудалауды тыюды жақтады. 1269 жылы Хайду хан Талас алқабында ханзадалар мен нойондардың¹ құрылтайын шақырды. Өзара қызу айтысқан ханзадалар мынадай шешімге келді: «...жазғы және қыскы жайылымды, тау мен даладағы қоныстарды бөлейік, өйткені бұл аймақ (Оңтүстік Қазақстан және Орта Азия. – Авт.) мейлінше құлазып жатыр әрі игерілмеген...»², сондай-ақ былай деп шешті: «алға қарай тауларда және далаларда қоныстану керек, қалалар маңында шиырламау қажет, малды егінге айдау тоқтатылсын және райаттарға³

әділетсіз талаптар қойылmasын»⁴. Осындай ұстанымды Хайду-дың өзі де ұстанды. Ол өзі басқарған 30 жыл ішінде өз ұлысының гүлденеуіне орай көп нәрсе істеді.

Жекелеген билік етушілер күшеюінен бүкіл монғолдық мемлекеттің қуаты әлсіреп, біртіндеп тәуелсіз иеліктерге бөлшектене бастады. Орта Азияда егіншілермен, отырықшы өмір салтына өтушілермен байланысты нығайтуға ұмтылған монғолдар тобы жеңіске жетті. XIV ғасырдың бірінші жартысында Орта Азия мен Қазақстанның оңтүстігіндегі шағатайлық билеушілер арасында мейлінше ірі тұлға Кебек хан болды. Оның отырықшылықты жақтауға деген құлшынды анық байқалатын: ол өзіне арнап Қашқадария алқабынан сарай тұрғызыды, ақша және әкімшілік реформаларын жасады. Бірақ оның тұрактылыққа деген ықыласы әскери-көшпелі ақсүйектердің ашу-ызасын туғызыды. Олар Кебекке қарсы шыып, оның інісі – Тарма-ширинді (1326 – 1334 жж.) өлтірді.

Өзара қырқыстың нәтижесінде тәуелсіз Моголстан иелігі пайда болды, ол Қашқарияда және Жетісудың солтүстік-шығысында орналасты, астанасы Алмалықта болды. Мұнда дулат руынан шыққан өмір Болатшы Тоғылық-Темір сұлтанды хан етіп жариялады.

Жошы ұлысында, Көк немесе Алтын Ордада сол сияқты қарама-қарсы құштердің қактығыстары орын алды. Сырдарияда жана мемлекет –Ақ Орда құрылды, оның астанасы Сығанақта орналасты, құрамына Дешті Қыпшактың шығыс бөлігі енді. Оның бірінші ханы сұлтан Сасық-Бұқа болды, сосын ол билікті ұлы Ерзенге берді. Кейінірек Орыс хан түсінда (1361 – 1380 жж.) Ақ Орда Алтын Ордадан біржолата іргесін аулақ салып, атақты Темірдің жаулап алу жорықтарына дейін өзінің дербестігін сақтады. Ақ Орданың негізгі тұрғындары қыпшактар еді, олардың арасына монғолдар мұлдем сіңісп кетті. Сондықтан да XIV ғасырдағы араб авторы әл-Омаридың айтқандағы келтіре кеткен жөн:

«Ежелде бұл мемлекет қыпшактар елі болды, бірақ татарлар оны жаулап алғаннан кейін қыпшактар бодан атанды. Сонын олар (татарлар) қыпшактармен қандары араласып, туыс болып кетті және олардың (татар) табиғи және нәсілдік сапаларынан жер қасиеті биік тұрды, енді олар да тұра қыпшактар тәрізді болып кетті, былайша айтқанда, олар бір рудың адамдары секілді еді, қыпшактар жеріне қоныстанған монғолдар мен татарлар олармен (қып-

¹ Нойондар – монғол ақсүйектері.

² Бартольд В.В. Очерки истории Семиречья. Т.2. С.69.

³ Райаттар – егіншілер.

⁴ Рашил-ад-дин. Сборник летописей. Т.3. С. 71.

шактармен. – авт.) некеге тұрып, осы жерде біржолата тұрақтап қалды¹.

Әл-Омаридың айтқандарынан Ақ Орда құрамына кірген Қазақстан тұрғындарының сол бөлігінің этногенезі ғана білініп қоймайды, сонымен бірге олардың иеленген бірқатар саяси тұрақтылығы да аңғарылады. Монғолдармен қандары араласып кеткен қыпшақтар ендігі жерде болмады.

Тап осы кезеңде бірсесе Жошы ұлысының, бірсесе Шағатай ұлысының бөлігі, бірсесе Ақ Орда хандарының иелігі болған Отырадың іргесі бекі түсті. Небәрі ширек ғасыр ішінде ол Батыстан Шығысқа созылған керуен жолы бойындағы белгілі сауда орталығына айналып үлгерді. Осы қала арқылы Үргеніштен Алмалыққа және одан әрі қарай Қытайға, алыстағы Ханбалыққа жол тартылды. Осындай мәртебенің арқасында Отырада қатысты XIII ғасырдың екінші жартысында саяхатшылар мен саудагерлердің ол туралы қалдырып кеткен көптеген жазбаларын кездестіруге болады. Осы қала туралы «Отырадың күйреуінен» кейінгі бірінші естелік армян патшасы Гетумнің (Гайтонның) құжаттарында сакталған, ол 1259 жылы Армениядан монғол даласына Закавказьедегі монғол билеушісі Аргуннің қысымшылығына қарсы жоғары мәртебелі Мөңке қағаннан көмек сұрау үшін құпия түрде аттанады. Патша мен оның серіктеп үлкен қындықтарды бастаң кешіре отырып, бір жылдан кейін Қарақорымға жетеді, онда оларды жақсы қарсы алады, салықтарды азайтуға қол жеткізеді. Күзет грамотасын алған Гетум 1254 жылы күздің бел ортасында отанына оралады, жолдағы үлкенді-кішілі қалаларға соғады, соның бірі Сырданиядан өтер жолда орналасқан Отырад еді...²

Сол жылдардағы басқа да жазба деректерге қарағанда, Ақ Орданың ханы Ерзен, оның ұлы Сасық-Бұқа кезінде Отырада құрылыш көнінен қанат жаяды, Ерзен «өте ақылды, әділетті, құшті, дінге сенетін патша болды. Отырада, Сауранда, Жентте және Баршынкентте орналасқан медресе, ханака, мешіттердің және басқа да қайырымдылық мекемелерінің басым болігін ол өзі салдырған болатын»³.

¹ Сборник материалов, относящихся к истории Золотой Орды. С. 244 – 245.

² Гандзакеси Киракос. История Армени/ Перевод, предисл. и комментарий Л.А.Ханларди.М., 1976. С.222-226.

³ Сборник материалов по истории Золотой Орды. М.; Л., 1941. С.2.129.

XIV ғасырдың ортасында Отырадың атағы көнінен жайылды. Флорентиялық көпес Франческо Бальдуччи Пеголотти құрасырыған «Сауда тәжірибесі» деп аталатын жол көрсеткіште Танадан, Дон сағасынан Ханбалыққа дейінгі ауыр да ұзақ жол суреттеді. Көпестер жиырма бес күн бойы Танадан Қажы-Тарханға¹ дейін жетеді. Осы жерден Сарайға – Алтын Орда астанасына дейін жүзеді. Су жолымен Каспий арқылы Жайық сағасына жетіп, одан осы өзен арқылы Сараканкоға дейін көтеріледі². Шиқылдақ арба жегілген түйелермен 20 күн ішінде Органчаға³ дейін жетіп, ал тағы да 40 күннен соң Отырадың ақ қабырғасына ілігеді.

Дегенмен сол кезеңдегі Отырада бейнесі туралы нақты әрі айқын түрде сыр шертші нумизматика десе болады. Басқа тарихи кезеңмен салыстырыланда XIII – XIV ғасырларға жататын соншалықтың көп мөлшерде теңге және теңгелік-заттық көмбелер бұрын-сонды кездескен жок. Нумизматика жөніндегі белгілі кенес ғалымы Е.А.Давидович оларды талдай келіп, мынадай әділ қорытынды жасайды: «жеке және жалпы мәселелер бойынша кейір көзқарастарды қайта қарау керек, бірқатар жаңадан туындаған мәселелерді мүмкін болатын дәрежеде шешуді алға қажет»⁴.

Ғылыми зерттеулерге сәйкес, Отырада тұрақты түрде теңге соғу монғол шапқыншылығынан кейін 1251 – 1252 жылдары басталған. Алтын динарлар, күмістелген мыс дирхемдер және мыс фельс тәрізді теңгелер шығарылды. Осының өзі мынаны дәлелдейді, яғни Отырадың ақша шаруашылығы – қала құйрегеннен кейін арада 30 жыл өткесін көптеген басқа қалалық орталықтардан экономика қызметінің барлық саласын – ішкі ұсақ тауар айналымынан сыртқы сауда айналымына дейінгі жүйені толық ақша кешенімен қамтамасыз етуімен ерекшеленеді.

Отырада теңгелерін зерттеу 1271 жылға дейін созылған ақша шаруашылығының бірінші кезеңін сипаттауға мүмкіндік береді, бұл кезең барлық номиналдағы теңгелерді тұрақты шығару кезеңі және де осы арқылы қала өмірінің қаншалықты өркендергенін білуге болады.

¹ Қажы-Тархан – Астрахан.


² Сараканко – Сарайшық.

³ Органча – Үргеніш.

⁴ Давидович Е.А. Денежное хозяйство Средней Азии в XIII в. М., 1972. С.7.

Отырадағы ақша айналымының екінші кезеңі билеуші, көпес Масуд-бек жүргізген ақша реформасынан кейін болады, ол ақша айналымының барлық жақтарын қамтыды. Осы реформаның негізін жоғары сапалы құміс дирхемдер жасауды үйымдастыру құрады. Егер бұрын құміс дирхемдерді көп мөлшерде тек Алмалық шығарып келсе, ал 1271 жылдан бастап бұл қызмет басқа қала-ларда да, оның ішінде Отырада да өріс алды. Құміс дирхемдердің салмағы барлық жерде бірдей болды, яғни барлық тенге сарайла-ры үшін белгіленген стандартты салмакқа сәйкес келді, сынама-сы да сондай болды: бірінші 2,1 г., сынамасы – 800 (немесе осы-ған жақын). Тенгелерді безендірудің негізгі белгілері танба, картуш пішіні және ірі жазбалар болып келеді, белгілі бір дәре-жеде бірліктің белгілерін еншілейді. Е.А.Давидович былай деп атап көрсетеді: «Масуд-бектің реформасы мемлекетті құміс тен-гелермен қамтамасыз етті және шығарылған жеріне қарамастан, оларды жалпы мемлекеттік айналымға түсіру үшін қажетті кепіл-діктерді (салмақ, сынама, неғұрлым елеулі сыртқы белгілері) берді»¹.

Дирхемдермен қатар ұсақ сауда жүйесін қамтамасыз ететін мыс фельстерді жасау да жолға қойылды, мұның өзі де 1270 – 1271 жж. реформаның пайдасы екендігін көрсетеді: отырықшы шаруашылықты, қала өмірі мен сауданы қалпына келтіру мен дамытуға бағытталған талпыныс жеңіске жетті. Көптеген көмбе-лер құміс тенге өндірісінің кезінде жақсы жолға қойылғанын дәлелдейді. Ирі көмбелердің бірі 1893 жылы Арыстың сол жаға-лауындағы Қарауылтөбе күзет қорғанының төбесінен табылды. Екі күмырадан 5800 құміс және мыс тенгелер, сондай-ақ екі құміс білезік, маржандар, мыс тоға, асыл тастар және алтын бүйімдар сынығы табылды. Отырадың құміс дирхемдері табылған жерлер: 1889 жылы Ташкент уезіндегі Жалал-Төбе облысында табылған көмбе, Ангренге жақын мандағы Дункент көмбесі (1952 ж.), Ле-нинабад көмбесі (1954 ж.) және, акыр соңында, жетпісінші жыл-дары Отырада аймағынан табылған (оның ішінде Отырадан) көм-белер.



Отырада көмбесінен табылған құміс белдік бөлшектері

Зерттеу қорытындысы шағатайлық отырада тенгелерінің соңғы сериясы Буян-Кула атынан 1354 жылы шығарылғанын көрсетті¹. Демек, тұтастай ғасыр бойы Отырада қарқынды түрде тенгелер шығарғаны Қазақстан мен Орта Азия үшін қатал тарихи кезенде қала-ның экономикалық және саяси маңыздылығын дәлелдейді.

АҚСАҚ ТЕМІРДІҢ СОНҒЫ ЖОРЫҒЫ

Монғол мемлекетінің «үйіндісінде» өзара қырқыстың салда-рынан пайда болған иеліктің бірінің билеушісі, бұдан бұрын ай-тылған Моголстанның сұлтаны Тоғылық-Темір XIV ғасырдың екінші жартысында Орта Азиядағы қуатты мемлекеттің басшы-сы болу мандайына жазылған бір адамға «азғантай» ғана көмек

¹ Сонда. 144-б.

¹ Лэнь Пуль С. Мусульманские династии. Спб., 1899. С.201.

көрсеткен еді. Әңгіме Темір туралы болып отыр¹. 1361 жылы Тоғызықтың өзі Темірге үлкен түменнің билеушісі және барлас тайпасының басшысы болуға жәрдемдеседі², міне, тап осы сәттен бастап осынау бір тұлғаның билік шынына өрлеген женісті қадамдары басталды.

Әзінің жаужүректігімен, әскери таланттымен ерекшеленген, тосын оқиғаларды аңсайтындардың арасында атағы шыққан Темірдің жолы қындыққа толы болды. Ол көптеген жаугершілік жорықтар жасады, женістерге де жетті өрі женіліс те тапты, тіпті тұтқынға түскен кездері де кездесті. Осындай буырқанған өмір Отырарда кілт үзілді...

Иә, басынан бастап айталақшы.

Темір барлас тайпасынан шыққан ұсақ монғол өмірі Тарағайдың отбасында дүниеге келді. Ол жас күнінде нөкерлер жасағын³ басқарды және үлкен жол бойында тонаушылықпен күн көрді; күшті орталық биліктің жоқтығын пайдаланған ол, Карл Маркстің сезімен айтқанда, «әртүрлі князьдердің қызметінде кондотьерлердің бастығы ретінде»⁴ өктем бола түсті.

Бұл адам өзінің данққұмарлығымен, билікке ұмтылысымен және шексіз қаталдығымен ерекшеленді. Ол қандай әдіспен болсын, кісі өлтіруден тайынбай, өзінің алға қойған мақсатына жетуге ұмтылды. Ол шамамен үлкен түменді басқаруға келген кезде белгілі монғол өмірі Хусейнмен таныстыры басталды, Темір оның қарындастына үйленді. Жас өмірлер бірігіп көршілерге тонаушылық шабуылдарын жасады, өзімен тендерестер арасында бірінші болу құқығы үшін күресті. Ал мұндай жағдайлар өркез женіспен аяқтала қойған жоқ. Олар бірде қатты женіліске ұшырап, 62 күн бойы алғыр қарындастырында тұтқында отырды. 1362 жылы Сеистанға⁵ шабуыл кезінде Темір жараганы, содан кейін оның қолы семіп қалды. Жетісу мен Қашқариядан шыққан көшпелі монғол жасақтарымен соғыс кезінде халық қозғалысын пайдалана отырып, 1366 жылы Хусейн мен Темір Самарқанда билікті

басып алды. Бірақ билік үшін талас серттескен жақын достардың арасын сұытып, бір-біріне жауластырып тынды. Темірдің жолы болды: 1370 жылы ол Хусейн бас сауғалаған Балқыны қоршады. Қатты қарсылық көрсеткен қала басып алынды, ал тұтқынға түскен Хусейн Темірдің үнсіз келісімімен өлтірілді. Енді онда күшті қарсылас болған жоқ және әскербасыларының құрылтайында оны мемлекет басшысы етіп жариялады.



Такта отырган Әмір Темір

¹ Темір (1336 – 1405 жж.) – оны Темірлан деп те атады (Тимурленг, тәжік тілінен аударғанда «Ақсақ Темір»), өйткені 1362 жылы жараганып (аяғы мен қолы), ақсақ болған.

² Бұл жағдайда – әскери жасак.

³ Нөкер – жауынгер.

⁴ Архив К.Маркса и Ф.Энгельса. Т.6. С. 184.

⁵ Сеистан – Ауғанстанның онтүстік-батысы.

Темір отыз бес жыл патшалық құрған кезеңнің бәрінде Хорезмге, Парсыға, Үндістанға, Закавказьеge, Кіші Азияға, қазақстандық дала төсіне үздіксіз жорықтар жасады. Ол ешқашан женілу дегенді білмейтін қуатты әскер жасақтады, ол соғысу өнерінде «жансыз болу жүйесін енгізді; бұл орайда оған дәруіштер, пакыр-

лар, монахтар – ламалардан христиандық дуанаға дейін қызмет етті». ¹

Жаһангер ең алдымен Алтын Орда қолдау көрсететін, ұзақ уақыт бойына тәуелсіз болған Хорезмді бағындырыды. Ол Хорезм аймағына алты рет шабуыл жасады. Хорезмнің астанасы Үргеніш жермен-жексен етілді, ал тұтіндеген үйінділерге Темірдің бұйрығы бойынша жұртқа жария түрде қара бидай себілді.

Темір өзінің Алтын Ордадағы бұрынғы қолшоқпary – Ақ Орда ханы Орыс ханының ұлы Тоқтамыспен қанды шайқас жүргізді. Тоқтамыс 1376 жылы Самарқанға қашып келген болатын, сонда Темір оны жақсы қабылдап, темірлік алмас қылыштардың көмегімен Отырады, Сауранды және Ақ Орданың астанасы – Сығанақты басып алып, онда хан болып жариялануына көмектескен еді. Бірақ Тоқтамыс Темірдің үмітін актамады; Алтын Ордаға хан болып алғаннан соң, 1388 жылы ол Темірдің иелігіне шабуыл жасап, шұрайлы жерлерін тонады. Қасиетсіз вассалын бағындыру үшін Темір өскери жорық ұйымдастырыды, ол Тоқтамыстың артынан өкшелей қуа отырып, бүкіл қазақстандық дала-мен өтіп, Алтын Орданың байырғы жеріне басып кірді. Оның астанасы Сарай Берке қаласы, сондай-ақ Қырым мен Солтүстіктің қалалары қанырап қалды.

Темір Жетісуға бірнеше жорық жасады, Шарын мен Ілеге дейін жетті. Соның нәтижесінде ол Онтүстік және Онтүстік-Шығыс Қазақстанды өз мемлекетінің құрамына қосып алды, ал Отыrap, Сауран, Сығанақ, Созак, Тараз, Аспара қалаларында өскери гарнизондарды орналастырыды.

Бөрінен бұрын Темірді Парсы қызықтырыды, ол сол кезде көптеген ұсақ иеліктерге бөлшектеніп кеткен болатын. Қатыгез жаһангер Гератты, Балқыны соншалықты күш жұмсамай-ақ жаулап алды, сондай-ақ Әзіrbайжанды, Грузия мен Арменияны да бағындырыды.

1398 жылы ол өзінің үнді жорығын бастады: Делиге дейін жеттіп, қаланың тас-талқанын шығарды, Самарқанға үлкен олжамен оралды. Батыста Темірдің өскери Кіші Азияға және Сирияға келіп кірді, 1402 жылы Анкара қасындағы шайқаста осман сұлтаны Баязедтің өскерін талқандап, сол арқылы Византия империясының құлауын кейінге ығыстырыды.

¹ Архив К.Маркса и Ф.Энгельса Т.4. С.185.

Тарихта Темір есімі тек оның қанды жорықтарымен ғана емес, сонымен қатар біздің заманымызға дейін жеткен мәдениет ескерткіштерімен де байланысты. Темір өзінің иеліктерінде құрылыш пен сәулеттеннен қаражат аяған емес, ол мұны мемлекетті нығайтады деп түсінді. Ол Үргенішті талқандағаннан кейін бірден барлық ғалымдарды, шеберлерді, қолөнершілерді Самарқанға жинады, тонап алынған құндылықтарға Шахрисябздан атакты Ақ Сарайды салғызды. Элемнің түкпір-түкпірінен жиналған сәулетшілер мен шеберлер тек сарайлар ғана емес, сонымен қатар мешіттер мен медреселер де салды. Міне, тап сол кезде, XIV ғасырда Гур-Әмір, Биби-Ханым, Шахи-Зинда тәрізді көрнекті ескерткіштер бой көтерді. Бұл орайда қазақстандық дала көшпенділері мен отырықшы тұрғындар пір тұтатын Ахмет Йасауи бейітінің үстінен тұрғызылған кесенені айтуда болады. Темірдің кенеттен қайтыс болуына байланысты оның құрылышы аяқталмай қалды, дегенмен салып үлгерілгенінің өзі ғажайып сәулетімен адамды таңғалдырады.

«Бұл орайда ұлы әмір өте саяси көрегендік танытты, – деп жазды Ахмет Йасауи кесенесін зерттеушілерінің бірі М.Е.Массон, – ол көшпенділердің үлттық қасиетті мекеніне ерекше мән беруді, исламды ұстанатын халықтардың рухани бірлігін ескеруді, номадтарды таңғалдыратын кең ауқымды ойды жеткізуі мақсат етсе, ал құрылышты салу арқылы империяның қуатын көрсетуді мензеді, – міне, XIV ғасырдың аяғындағы ортаазиялық сәулет өнерінің бірінші дәрежелі ескерткішін мемлекеттің шетінде салудың сырьы осындай еді»¹.

Темірдің ресми тарихы «Женістер кітабы» ғимаратты салуды 1397 жылғы оқиғамен байланыстыра баяндайды. Осы жыл Темір Моғолстан ханы Қызыр-Кожаның қызы – Тәукел-ханымға үйленеді. Өзінің зайдыбын күткен Темір қыркүйек айында Қожа Ахмет бейітіне тәжім ету үшін Йасы қаласына барады. Сірө, сол жолы ол құрылышты бастауға бүйрек берген. Тапсырыс берушінің тілегі жарлықпен бекітілген, онда ғимараттың жалпы жоспары мен негізгі өлшемдері қарастырылған: Бас құмбездің диаметрі қырық бір гязге² тең болуы тиіс. Алдынғы жағында екі мұнара-

¹ Массон М.Е. О постройке мавзолея Ходжи Ахмеда в городе Туркестане / Известия Среднеазиатск.географ. о-ва. 1929. Т. 19. С.39-45./

² Гяз – ұзындық өлшемінің бірлігі.

сы бар аркалы биік портал қондыру жоспарланды. Оның артқы жағында үлкен күмбезді шаршы бөлмежай жан-жағынан отыз гяз болады және есік жақтаулары тәрізді жеті металл қорытпасынан құйылған ортада хауыз орналасады. Одан кейінгі бөлме жан-жағынан он екі гяз болады, шағын күмбезді, шайқының өзінің бейітінің үстіндегі бөлме Тавриздан алынған мәрмәр тастакталармен көмкеріледі. Қабірдің оң және сол жақтарында жиналыс жасайтын екі бөлмежай (чарсуфалар) орналасады. Сонымен қатар, бірнеше басқа да бөлмежайлар, сондай-ақ ескерткішке тәжім етуге келгендерге арналған Құжыралар¹ жоспарланған. Күмбездер мен қабырғалар сол дәуірдің сәулеттік талғамына сай айшықталуы туиі болды. Міне, тапсырма осындаі болды, ал оны жүзеге асыру Маулан Убайдулла Садрға жүктелді².

Белгілі кеңес археологы М.Е.Массон осы ескерткіш туралы былай деп жазды: «Жобасы мен ой-толғамы жағынан Орта Азияда құдіретті салынған осы кесенеге тең келетіні жоқ. Ол өте ғажайып дүние. Бірақ ислам өнерімен салынған оның дәстүрлі пішіндегі құдіретті құрылышынан сол кездегі дәуірдің, сасанидтер дәуіріндегі Парсы патшалығының стилі мен императорлық Византия сәулетінің лебі ескендей өсер қалдырады. Ктесифон мен Фирузабад сарайлары П әрпі тәрізді түрде салынған; сасанидтер патшаларының зор қабылдау залдары (Тек-и-Кесра) – тамаша ғажайып порталдың бейнесінен туындаған. Византияның ықпалы сасандық Парсы кезінде-ақ сәулет өнеріне енді, «көктегі патшалық пен жердегі билік жүргізуінің жеке-дара билігінің бірлігі» үйлесім тапты және Әулие Софияның константинопольдік храмында тамаша бейнеленді. Көптеген ғасырларға озық түрған осы өлемдік ескерткіш тек Шығыстың сәулетіне ғана емес, сонымен қатар мұсылмандық Түркияға да өсерін тигізді, Қожа Ахмет кесенесінде оның соншалықты айқын көрініс тапқаны сондай, оны мұсылмандық Аяя-София деп атауға толық негіз бар деуге болар еді»³.

Темір Отырар жанындағы Қожа Ахметтің үстазы әулие Арыстан-бабтың бейітінің үстіне кесене орнату идеясын да ұсынған болатын. Халық аузындағы аңызбылайша сыр шертеді. Қожа Ах-

мет кесенесінің құрылышын салуға кіріскең жұмысшылар оның қабырғасын қалайды, түн ортасында бір алып бұқа келіп, қалантаның бәрін бұзып тастаған. Содан құрылыш қайта салынып, аркалары мен күмбездері көтеріледі, бірақ бір күні түнде соның бәрі құлап, үйіндіге айналады. Бұл жағдай Темірді ойландырып тастайды. Бірде түсінде ақсақалды қарт келіп, Қожа Ахметтің айтқанын жеткізеді: ең алдымен Арыстан-баб бейітінің үстіне кесене орнату керек дейді. Сөйтіп, шын мәнінде де осы кесене салынады, тек содан кейін Түркістандағы кесене құрылышы ешқандай кедергі болмай қарқынды жүреді.

Өкінішке орай, аталған кесене сақталмады – Отырардың шығысына қарай үш шақырым жердегі қазіргі кездегі зиратта құрылыш түрғызылған, ол XIV ғасырда жартылай бұзылған орында XIX ғасырдың бас кезінде салынған. Сол кезеңнің құрылышынан тек екі оюланған қарағаш бағанасы ғана қалған. Бірдей бағаналардың ұзындығы 3,5 м; ойылып салынған дөңгеленген жапырактар ізі байқалады, бағананың төменгі жағында шаршылап ойылған белдеу және айқышталып орналасқан геометриялық пішіндер бар; онда салынған айшықтар Ахмет Йасауи кесенесінің есігінде салынған өрнектерге ұқсайды. Қазір қайтадан қалпына келтірілген кесенеден сол бағаналардың көшірмесін көруге болады, ал оның түпнұсқасы Қазақстан Ғылым академиясының археология мұражайында орналасқан.

...1404 жылдың аяқ кезінде Темірдің көптен ойлаған жорығы басталды. Жаһангер әрқашанда алға үлкен мақсаттар қоятын. Қазіргі заман тарихшыларының бірі Темір ортаазиялық феодалдардың көп олжаға кенелуге деген ұмтылысын шебер пайдаланды деп атап көрсетті. Олардың көмегімен көрші мемлекеттерді тонады. Темір өзінің өскерін Сырдария мен Жетісудан өткізуді жөн деп тапты. Жылдың аяқ шенінде 200 мындақ өскер Сырдариинің арғы бетіндегі Отырар мен Сауранға шоғырландырылды. Бәрі де дайын болып, тек аттану хабарын күтіп түрді. «Бірақ тағдырдың жазмышы басқа болды». Ақтанды Сырдариядан өту кезінде салқын тигізіп алған Темір ауырып, Отырар сарайларының бірінде дүние салды. Оның өлімін жасыруға тырысты. Қалың өскер жорыққа аттанды, алдынғы лектері Отырардан шығысқа қарай 5 фарсахтағы²⁷ Шілік қонысына келіп жетті және осы жер-

¹ Құжыра – медресе шәкірттері мен дәріс берушілердің түрғынжай бөлмесі.

² Қараныз: Массон М.Е. Опостройке мавзолея Ходжи Ахмеда в Туркестане. С.41.

³ Массон М.Е. Мавзолей Ходжи Ахмеда Ясеви. Ташкент, 1930.

¹ Қараныз: Бартольд В.В. Сочинения. М., 1964. Т.2. С. 71-72.

де жаңалықты естіп, Самарқанға ат басын бұрды, сонда Темірдің мұрагерлері билікті бөлісуге асықты.

ОТЫРАРДАН ОТЫРАРТӨБЕГЕ ДЕЙІН – ҮШ ҒАСЫРЛЫҚ ЖОЛ

XV – XVIII ғасырлардағы Қазақстан тағдыры Отырадың тағдыры болды. Жазба деректер оның тыныс-тіршілігін әдетте хандар мен сұлтандардың жорықтарына қатысты қысқаша түрде хабардар етеді. Дегенмен ежелгі жылнамашылардың жұтаң жазбаларының өзінен қаланың тыныс-тіршілігі білінгендей болады. «Таварих-и Гузид» деп аталатын ортағасырлық шығармада былай деп жазылған: «Сұлтан Махмұд хан Отырады (Мұхаммад Шейбани ханға) берген осы кезде... Құл-Мұхаммед тархан Сабранда болды. Сабранның барлық адамдары, молдалары мен қожалары кенес кұрды: Отырар тағы да Мұхаммед-Шейбани ханның қоластына қарады. Күн санап оның қуаты арта түсүде. Енді ол барлық уалаятты базып алды, адам жіберіп, Мұхаммед сұлтанды алып келгізді (Шейбани ханның інісі) және оны Сабранға берді»¹.

Осы жазылған мәтінге қарап, тоғыз жолдың торабындағы Отырадың маңызы ерекше болғанын білуге болады. Эрбір женімпаз үшін (осы орайда Мұхаммед-Шейбан хан) бұл қаланы алу дегеннің өзі барлық сырдариялық қалаларға билік жүргізу деген сөз еді.

«Таварих-и Гузид» шығармасына келтірілген үзінді Темірдің өлімінен кейін Орта Азия мен Қазақстанда өзара қырқыс пен феодалдық соғыстардың болғанын көрсетеді. Билік басына келген Темірдің немересі Ұлықбек, өзі көрнекті ғалым болған, билікке таласқандардың құрбаны болып, айуандықпен өлтірілді. Бірақ оның көзі тірі кезіндегі ақ атасынан мұра болып қалған зор аумактың солтүстік шекарасындағы жағдай шиеленісті болды. Шах-Жахан басқарған мөғол жасақтары Сайрамды базып алды және Қарасаман қаласына жақындалп келді. Бірақ мөғолдар қатты жеңіліске ұшырап, кері шегінді. Ал 1426 жылы Жошының ұрпағы саналатын Барақ хан өзін Дешті Қыпшақ пен сырдариялық қалалардың билеушісі етіп жариялады.

¹ Пищулина К.А. Присырдарынские города и их значение в истории Казахских ханств в XV-XVII вв.// Казахстан в XV-XVIII вв Алматы, 1969. С.21.

XV ғасырдың ортасында Әбліхайыр хан Дешті Қыпшақтың көптеген тайпалары мен рулярын өзіне қүшпен бағындырып алды, сөйтіп, жаңа феодалдық иелік атанған Өзбек хандығын басқарды. Осы мемлекеттік бірлестікті құру Қазақстанда патриархаттық-феодалдық қатынастардың нығайтылғанын дәлелдейді: феодалдардың құқықтары мен артықшылықтары одан өрі кеңі түсіп, бұқара халықты қанау күштейді, таптық құрес шиеленісті. Феодалдар халықты езгіде ұстау үшін күшті билік аппаратын құрды.

Өзбек хандығы Арас маны мен Сырдарияның төменгі ағысынан солтүстікте Тобылға дейінгі және одан өрі солтүстік-шығыста Есілге дейінгі орасан зор аумакты еншіледі. Оның тұрғындарын бір сөзben «өзбектер» деп атады. Оның құрамына қанлы, қыпшак, дулат, керей, қарлұқ, найман, үйсін, арғын, қырғыз тәрізді тайпалар кірді. Өсіресе қыпшактар қатты ерекшеленді, міне, сондықтан да кейбір зерттеушілер XV ғасырдағы осы мемлекеттік құрылымды «Қыпшақ хандығы» деп атауға бейім тұрады. Бірақ «өзбек» атауы, сондай-ақ бұдан бұрын да болған «казак» атаулары ол кезде этникалық мазмұнға ие болмағандығы және белгілі бір халыққа бірікпегені дәлелденді, бұл кейінірек болды: екеуі де дала төсінде қоныстанған көптеген тайпаларды қамтыды, оны XVI ғасырдағы ортаазиялық ғалым Рузбихан өзінің жазбасында базай деп растай түседі: «Үш тайпа өзбектерге жатады, олар Шыңғысханның данқты иелігінде... екінші тайпа – қазактар, олар барлық әлемде күш-куатымен және ержүректігімен данққа бөленген және үшінші тайпа – маңыттар...»²

Дешті Қыпшаққа билік үшін өзара қырқыс пен құрес Әбліхайырдың күшімен шегіне жетті және «Жошы ұрпақтарының арасында ханның жебесі атылмаған немесе ханның қолы тимеген бірде-біреуі қалған жоқ». Мұның өзі Жәнібек пен Керейдің Шу аймағына көшіп кетуіне әкеп соктырды. Тұрғындардың үдерес көшуі XV ғасырдың 50-жылдардың аяғынан 60-жылдардың аяғына дейін созылды². XVI ғасырдағы тарихшы Мұхаммед Хайдар осыған қатысты базай деп айтқан: «Ол кезде Дешті Қыпшақта Әбліхайыр хан билік етті. Ол Жошы ұрпағынан тараған сұлтандарға қатты тиісті. Жәнібек хан және Керей хан одан Моголстанға қашты. Есенбұға хан оларды ықыласпен қарсы алып, өздеріне

¹ Фазлаллах ибн Рузбихан Исфахани. Михман-наме-ий Бухара. С.62.

² История Казахской ССР. Алматы, 1979. Т.2. С.256-257.